

# ՀԱՅԿԱՍՏԱՆ



ՀԱՅԿԱՍՏԱՆ  
№ 4

# „პიონერი“

№ 4.

აკრილი

წელიწადი  
80-IX

1934


წელიწადი  
80-IX

საქართველოს ბ. კ. ო. ცენტრალური  
ბიუროს და განათლების სახალხო კომ-  
მისარიატის შურონალი ბავშვთათვის.

რედაქციის მისამართი: აღმასკომის  
ქუჩა, № 7. ■ სახელგამი, საბავშვო და  
ახალგაზრდობის ნაბოტორი ■ ■ ■ ■

## შინაარსი

	გვ.
1. ტრაქტორი მინდვრად — გ. კაქაბერიძის . . . . .	1
2. ბახო — აკ. გოცირიძის . . . . .	2
3. ინდუსტრიის გაზაფხული — არნო ონელის . . . . .	6
4. აიშე — პ. ლორიახი . . . . .	6
5. შეიარაღებული თვალთ — პ. ლომატაძის (თარგმ. შ. თა- ბუკაშვილისა) . . . . .	9
6. გაზაფხული — შ. ებრაღიძისა . . . . .	11
7. ზოსიმეს ოცნება — ლ. ხაქარელიძისა . . . . .	12
8. ჩვენი ქვეყნის კუთხეები — ლ. მარუაშვილისა . . . . .	16
9. სოცშეჯიბრება — ი. კარელიშვილისა . . . . .	17
10. მინდვრად — არნო ონელისა . . . . .	18
11. პიონერი სტეფანე — ლეოპოლდ ხეჩიახი . . . . .	20
12. პატარა შეფი — ავთანდილ კაშმაძის . . . . .	22
13. დამწყებ მწერალთა საყურადღებოდ . . . . .	23




# ტ რ ა კ ტ ო რ ი მ ი ნ დ ვ რ ა დ

გაუტყეხელი ძალა,  
როგორც ვაჟკაცი რკინისა.  
მიდის,  
აღვიძებს მიდამოს,  
მხნეობა უჩანს გმირისა.  
ერთი კვირაა მინდვრებზე  
ქაქანებს,  
ბრაზობს ძალიან...  
ამინდი კარგი დაუდგა,  
მიდის და აღარ სცალია.  
კოლექტიველი ბიჭები  
მასთან მხარდამხარ არიან.  
სახუმრო რამე არ არის,  
ნამდვილი რკინის ხარია.  
არ ტყდება,  
არც იქანცება,  
უყურებ, გრძობით მდიდრდება...  
მიდის,  
ქაქანებს, ირჯება,  
გადაშავა მინდვრები.  
მიჯნას მიადგა, აიღო,  
იწყო შეტევა ყამირთან,  
ბიჭებიც ეხმარებიან  
რკი უღელი ხარითა.  
თავს არ ზოგავენ,  
გარბიან  
სქელკისრიანი ხარებიც...

კოლექტიური გარჯაა,  
მშრომელთა გასახარელი.  
ვაშა დიად დროს,  
სიცოცხლე  
კოლმეურნეთა წყებასა,  
ქვეყნის ძარღვსა და სიხარულს,  
შემშლის დავიწყებასა.  
ტემპს უქმნის ხარი მაგარი,  
მქონე ფოლადის კბილისა,  
გაზრდილი,  
დამშვენებული  
სტალინგრადელი გმირისა.  
ტრაქტორი, ჩვენი ძალ-ღონე...  
უჩანს ნაყოფი შრომასა.  
კაცი გმირია,  
ვერ ხედავ  
მასში სხვა კაცის მონასა.  
დარდი ხალისმა შეცვალა,  
დრო მწუხარების წავიდა,  
წავიდა,  
არ დაბრუნდება,  
არც მოირთვება მწვანითა.  
ტემპში გახვეულ მინდვრებზე  
ხარობს ცხოვრების ყუავილი...  
მიდის ტრაქტორი,  
ქაქანებს,  
გადაშავა ყამირი.

6571



ჩელიუსკინელთა ხიდის მშენებლობა (მლ. მთკვარზე)

1.

# ბ ა ხ ო

გაბუნტული ვაშლის ყლორტები შეირხა, და ღრუტუნა გოჭები ქყვირილით გამოეკიდენ მომწიფებულ გვერდწითელას...

ისინი ერთიმეორეს უსწრებდენ, შიკპრი-ალებდენ და ხეპრულად თქვლევდენ ბახოს ბაღში დარხეულ ქამრა ვაშლს!

ბახომ მუხლებამდის ჩაილაჩული ქრელი შარ-ვალი შეისწორა და საშინლად დაიყვირა:

— ღრუტუნებო! ნუ გათამამდით, გესმით! თავი დაანებეთ!

დიდრონი ვაშლის რტოებიდან ძირს წამოვიდა, ხელი შუბლთან მიიტანა და ათვალიერებდა, ბალახებში ეძებდა ჩაყურსულ ვაშლებს.

— გესმით! დამიტოვეთ, თქვე პირწავარდნი-ლებო, მე აღარ მინდა? ჩამოვალ და ზურგებს ავიკრელებთ!

ბახოს ყურს არ უგდებდენ ღრუტუნები. თქვლევდენ ქამა ვაშლს.

სიბრაზის ცრემლები მოაწვა:

— უსვინდისოები! ის არ იციან, სკოლაში რომ მაგვიანდება!

— ღორებს დააბრალებ 'იენი სიზარმაცე, ღორებს! არც გაკვეთილები დაგიმზადებია, გუმინდელს აქეთ სულ ხევეებსა და გორებში დახტიხარ, ბიჭუნი, წამოდი, წამოდი, დედა გენაცვალოს! თავი დაანებე ღორებს, სკოლაში მაგვიანდება...

— დედი, შენ ამბობ, რომ მე ლექსი, გაკვეთილი არ ვიცი? ეგ ხომ ჩემი ბრალი არ არის, ეგ ღრუტუნების ბრალია! მე ვაშლი მინდა, ისინი კი აქყაპუნებენ...

კერატი ქალაქს გამოფენაზე უნდა წავიყვანო, იქაც გამოფენას აწყობენ, და ნახონ ბახოს ნაზარდი.

— კოლექტივის რუხი კერატი!

ბახოს დედა ბაღში გადმოვიდა, წინსაფარი შეისწორა და დაყრილი ფქვილი დაიბერტყა.



ელიავან სახელობის კოლ. ახ. სკოლის მოყავნები ამუშავებენ მიწის ნაკვეთს

დედას ლოკები ასწითლებოდა ბუხრის წინ ნადგომს. ნატალია აჯუჯგურდა. უკვე დილის 10 საათია. მზე ქვიშისგვერდის ხავერდოვან ფერდობებს გაუტოლდა, ბახო კი ისევ შინაა. სკოლაში მეორე ხარი დარეკეს.

პატარა ბიჭუნები და გოგონები ორდობებში ჟრიაბულით გარბოდნენ.

მირზიან, მიხტიან, უხარიათ სკოლისაკენ!

ბახომ უბიძან ვაშლი კერატს ქურდულად გადაუგდო და დედის წინ თავჩაქინდრულმა გაიარა; ერთი რაღაც წაიბუზღუნა გულნატკენად და ჯიბეში გაკვეთებული სქელი უხაზო რვეულით წავიდა. ნაფუზვრით ის მიდიოდა სოფლის შუაგულ, კაკლის შტოებში ჩაყურსული სკოლისაკენ.

ფიქრობდა: „განა ჩემი ბრალია? რას იტყვის ბიძია მასწავლებელი აბელი?“

სკოლაში რგოლის წვერებიც შეიტყობენ, გამოაკრავენ კედლის გახეთში უშველოებელი კარიკატურით. ო, მერე რა უშნო მხატვარია მისივე ამხანაგი პეტია! ცხვირს ერთ არშინზე გაუგრძელებს, თმას აჩეჩილად დაცხრილავს, ფეხებს მოჯღარკავს და, უჰ, რა კარიკატურა იქნება!

ქვეშ კი მიაწერენ: „სიმულანტი ბახო!“

— არა, ბახომ კარგა მოისაზრა; წავა, პეტია ვაშლს აქმევს და აღარ დახატვენ. მაგრამ თვითონაც ხომ წვერია რედკოლეგიის? არა და კერატს, სოფლის სიდიადეს, მოვლა არ უნდა? ის ხომ რესპუბლიკის გამოფენის კანდიდატია?

საყვარელია ჯიშინი ღორის კარგი მოვლა. ეს იცის ბახომ, დიან, კარგად იცის!

სკოლის ეზოს საბიჯზე რომ გადავიდა, გრძელ დერეფანს მალულად დაჰყვა.

— ბიჭო ბახო, სირცხვილია! სად მიიპარები? მოდი ჯგუფში, ყოველთვის ასე განა შეიძლება? გაკვეთილებს გაურბიხარ... სკოლის მაგიერ ქვიშისგვერდში ჩიტებს დასდევ. რას ჩააცივდი კერატს, მარტო შეფობა ხომ არ კმარა?

— მას...ს...წავლებელო, ჩემი ბრალი არ იყო, ღრუტუნებმა...

— ახლა ღორებს დააბრალებ!

ეს რა წამოსცდა ბახოს! ახლა კი მართლა შეახურებენ. ქული გაისწორა და მასწავლებლის წინ ამაყად გაიარა:

— ხარები მყავდა საბალახოდ!

— მერე, ასე აღრე მორეკე?

— არა, ვხნავდით!

— ბატონო მასწავლებელო, ეგ მელორეა, სულ ღორებს დასდევს.

ვიდაცა კუთხეში გაიღმიჭა:

— მელორე... მელორე...

— ჩუმაღ, ბავშვებო! სკოლა და კოლომეურნეობის ცხოვრება ერთნაირი უნდა იყოს იცოდეთ. ამხანაგო ბახო, ჩვენი კოლომეურნეობის სანაქებო კერატი კიდევ უფრო უნდა გასუქდეს, ამას სკოლის სახელითაც გავალებ!

## 2.

გავიდა ერთი თვე.

შემოდგომის უფერული დღე გაიცრია. ბახო ყორის ძირში იჯდა და გაფაციცებით კითხულობდა წიგნებს. ბიჭებმა კალოზე ერთი როხროხი ატეხეს.

— მელისხვრელზე უნდა გადენოთ ღორები! — დაუძახა კოლექტივის ბრიგადირმა დათომ ბახოს და შინისაკენ წავიდა.

საყვარელი ღრუტუნები მის ახლოს გორგისობდნენ, თითქოს სთხოვდნენ საქმელს.

ბახომ წიგნი უბეში ჩაიგდო.

— გესმით, ბიჭებო! ღორები მელისხვრელზე უნდა გავრეკოთ; ბიძია დათომ დაგვავალა!

ღორის ჯოგი დაიძრა.

ერთიმეორეს უსწრებდნენ პუნტულა გოჭები.

— ჩემი კერატი ყველას სჯობია!

— რაო? შენი! შენი კი არა, სოფლის არის, გესმის, ჩვენი ბრიგადის სანაქებო ღორია!

— სულერთია! ჩვენც ხომ სოფლისა ვართ! — დაუმატა ბახომ და ღრუტუნები მუხრანში შერეკა. ბიჭებიც ტყეში შეიმაღნენ. დიდი მუხრანი ამაყად დგას. ათასი ჩიტუნები და მთის ქორი ბუდობს შიგ.

ბავშვები მიიმაღნენ. ღრუტუნებიც ბუჩქნარში გაიბნენ.

ბახო ხის წვერს მოედვა და ამაყად იმეორებდა ერთსა და იგივეს:

— ჩემი კარგი ღორები და კერატი მსუნავი! გვიყვარს დიდი მუხრანი, მეღიების ბუნავი... მედიდურად ქალაქში ჩავალთ მე და კერატი...

წამოლამდა. ახლაც იტყვიან, რომ ბახო ხარმაცი მოწაფეა? ხომ ზეპირად, კარგად იცის ძია ლენინის აზრი, მისი ბავშვებთან სიხარული და სიყვარული! ძია ლენინი ახლა გულში აქვს, წიგნის ყდაზე სურათიც გამოხატა. ნეტა ახლა ლენინის ძეგლი ანახა, მივა და... ცრემლებით აუჭრელდა თვალები...

მაგრამ უმაღლესე გაიღიმა. განა მოკვდა ის? არა, არ მომკვდარა! ლენინი ცოცხალია, ლენინი ქვეყანაა და მისი პარტია! ლენინის დროშა საყვარელი ბელადის ძია სტალინის გმირულ ხელშია! ის არ დაიხრება! ბახომ ახლა კარგად იცის, რომ ის, ვინც მუშათა კლასისათვის თავს წირავს, არადროს არ მოკვდება.

ღიახ, კარგად, ძალიან კარგად იცის!

მალღო რომ აიხედა, გაშტერდა. — უკვე დაღამებულა, — გაიფიქრა მან. მართლაც, მუხნარში უკვე ბურუსი მოხობავდა და ბუჩქებში სიბნელე ითქვიფებოდა...

მაგრამ ღრუტუნები სად არიან?

რას იტყვის ძია დათო?

რას იტყვის სოფელი?

ბუჩქებში გაინავარდა: სად არიან ღრუტუნები? სად არის სანაქებო ჯიშინი კერატი, რომელ ბუჩქთან ქშუის ის, ოცფუთიანი, რესპუბლიკის გამოფენის კანდიდატი?

ბახო მალიმალ გადაბოდა ვიწრო ბილიკებში.

იცოდეს კოლმეურნეობის ბრიგადირმა თაღომ, რომ მე, ბახო, ნატალიას შვილი, მელორე კი არა, მესაქონლეობისათვის მებრძოლი ვარ, ეს დავალებული მაქვს თავმჯდომარისაგან. მისგან... პირწავარდნილი დათუნია კი დამცინის: მელორეაო! ტყუიან, მელორე კი არა, ჯიშინი ღორის აგრონომი ვარ, რაიონშიც დამავალეს კერატის გადიდება! მეც ვუვლი, როგორც ჩემს თავს, მაგრამ ახლა სად გამეპარა... ვაი თუ მგელმა გაუნავარდოს, მერე?

ღრუტუნები ნაცრისფერი ღობის ძირში შეგროვდნენ. მაკე ნაზუქი (ასე ეძახის ბახო მაშკა ღორს) მოთენთილად მიეგდო მსხლის გვერდით და ცუგრუმელა გოჭები კი მიეხვივნენ. ხარბად წოვდნენ დედის რძეს, ერთი ამბით უჯიქვინებდნენ ფერდებში.

ბახო იღიმებოდა:

— ის კერატი რაღა იქნა?! რაიონში გამოფენაზე განა ტყუილად მითხრეს მადლობა? ასე უნდა დაფასდეს საქმის ვაკეთება?

ჩაფიქრებული იდგა და თან ყურს უგდებდა გოჭების ჰყვირილს.

— რას ატუხუნებხარ, დროა წამორეკო! — წაულაპარაკა თაღომ და ღორებს შეუესტვინა.

— ბიძია!

— რა გინდა?

— კერატი არა ჩანს, სადღაც გაპარულა.

— მერე და გულზე ხელების დაკრეფა გიშველის?

— მეგონა აქ იყო! მაგრამ... ვაი თუ ბრამში გადავიდა, მერე, იცი, ბიძია, შემოდგომის პირია და მგელიც დაიძურწება... ბახო შეტორტმანდა.

— ნუ გეშინია, ბახო, მეც წამოვყვები.

ორივენი ბილიკებში მიიმაღლნენ. მელოსხვრელის თავზე დიდრონი ბუჩქებია. ხშირი თხილნარი შამებით თავდება — ტბის პირამდის.

ბახო მიდის და ფიქრობს: სად არის სოფლის საყვარელი კერატი?

თხელ ბურუსში გაეხვია ყველაფერი. დაღამდა.

ეძინა უბანს, როცა ბახო სიხარულით თავის საყვარელ კერატთან ერთად ქვიშისგვერდის დაღმართზე ჩამოდიოდა. ახლა ის გმირია, იხსნა გასივსივებული ღრუტუნა მგლებისაგან, რომლებიც გორაკებში სულმოუთქმელად ყმუოდნენ...

### 3.

ნისლი რძესავით ეღვრება დაკიდებულ ფერდოვებს. ყანები მომწიფდა. გამხმარმა ჩაღამ შრიალი ატეხა და გოგო-ბიჭებმა საქონელი გამოორეკეს.

ყველას უხარია ნოყიერი შემოდგომა!

აჭრიალდა ურმები...

მოაქვთ, მოაქვთ სოფლის სიმდიდრე!

იქ, სადაც დიდი მუხის რტოები ქოლგასავით დასცქერის ბახოს კალოს, კოლექტივის სიმინდს არჩევენ. ხალხი ჟრიამულობს.

უხარიათ კოლექტივის სიძლიერე, სიუხვე!

განა კოლექტივზე ძლიერია რამე? არა! ყველამ იცის, რომ სიღარიბე, შიმშილი მხოლოდ მან ჩაკლა...

შეჯიბრება!

ტაროების ხვაფი გაიზარდა, ავსებენ ნალიებს!

ბახოს დიდი გიდელი მოსდევს ზურგზე და ყველაზე მარდად მუშაობს.

ის ხომ პიონერია, ენარგიული მუშაკი! სოც-შეჯიბრება ღირსებისა და სიმამაცის საქმეა! მესამე ნალია აავსეს, დიდი მუხის ქვეშ ახალი სიცოცხლე ფეთქავს...

ბახომ გიდელი რომ ყირამალა გადაუშვა, მერე ზურგისაკენ შემობრუნდა და კაკალზე შესულ ბიჭებს დაუძახა:

— ეი, დოყლაპიებო! განა ასე უნდა! ჩამოღით ძირს! რა დროს ეგ არის, ხედავთ, დაშვება! ეგეც არ იყოს, დასავლეთით ღრუბლები აითქვიფა, ცა გაშავდა... წვიმა თუ წამოვიდა, ხომ გაფუქტა ამოდენა მოსავალი...

— ეგრე, ჩემო ბახო! მუყაითობა უნდა საქმეს!! დაუმატა ბრიგადირმა და დიდი გიღელი მიაწოდა.

— მერამდენა?!

— ოთხმოცი, ბიძია თაღო! ოთხმოცი!

მუშაობა გრძელდებოდა. პატარა ბავშვები ჩალაში კოტრიალობდენ, ზოგი მალთაობას თამაშობდა!

მეჩონგურე ბასილა კუთხეში მიმჯდარიყო და მხიარულად უკრავდა თავის აჭრელეზულჩონგურს

... უცებ იელვა, და დასავლეთით მთებში წვიმა გაჩნდა. ის ხეობებს გამოჰყვა და სოფელ ყვაპისადამოუარა. თანაც ღამდებოდა. დატრიალდა უბანი, დატრიალდა ბახოს ბრიგადა! სიმინდი ნალიის ქვეშ მიყარეს, ყავრები დახურეს და ჩალა ზევიდან დაათარეს!

დაღამდა...

თაღომ ყალიონი მეორედ მოჭაჩა, ქუდი გაისწორა და ბახოს მოუბრუნდა:

— მამაშვილობას, ყური უგდე, მთელი წლის სარჩო ეგ არის, ღორები არ მიგვებარონ, თორემ სულ გაატიალებენ...

— არა, ბიძია! იმედი გქონდეს, საქმელს ვკამ და მეც ნალიის ქვეშ წავალ...

\* \* \*

საღდაც სულმოუთქმელად ყმოდა ძაღლი... სოფელში ღამე ჩაწვა.

წვიმა მატულობდა. გზებში, ყანებში ყველგან ღელეები აღრიალდა. ბახომ ღორები სახლებში მირეკა. კერატზე გულმოსული იყო.

აბა, რატომ არ ამწყვედევენ ღორებს? მსუნავი ღრუტუნები ჩუმიად ებარებოდენ ხვავს!

საყვარელი კერატი თავისი ხელით დაამწყვედია საღორეში.

მიყრუვდა სოფელი.

წვიმის თქეში კი მატულობს...

მეზობელმა ბათლომემ ეს მესამედ შეათვალიერა ბახოს კარმიდამო; ავი თვალთ იცქირებოდა ის!

— ახლა კი ვიშოვე დრო!!— თქვა მან და გულში ხელი ჩაიკრა. აჯუჯლუნდა კულაკი ბათლომე!

ყელამდის ბოღმით საესემ ბოსლიდან თოხი გამოიტანა, ყანაში მარღად გაიჭრა და უშველებელ რუს შეებრძოლა.

ატბორებული წყალი გადაკეტა!

ერთიც...

და ათქვეფილი ღელე ბახოს ნალიისაკენ გაღმოეშვა!

წყალი ტაროებში შეიჭრა.

ბახომ ღამეში ვერაფერი შეამჩნია. უცებ თეხებში, სისველე იგრძნო, ფანარს ხელი სტაცა.

ო, ეს რა ამბავია! წყალი აღრჩობს კოლმეურნეობის სიმდიდრეს! მან ერთი დაიყვირა, არ დაიბნა და ღამეში იქით გაიჭრა, საიდანაც შეიძლებოდა წყლის მათი ნალიისაკენ გაღმოხეთქა.

ბახო წელამდის ჩავარდა რუში. მარღად მუშაობს!

კოტაც — და შეწყდება!

თაღო მოვიდა.

— ბიჭო, რატომ არ შემატყობინე!

— დაყოვნება დანაშაულს უდრიდა!— მეტი არაფერი უთქვამს მას. შეწყვიტეს წყალი. გალუმპული ბახო მეღვრად მიაბიჯებდა ხვავისაკენ; ის გმირია, კოლექტივის ქონების დამცველი! ამას თაღოც იტყვის ხვალ. ორივემ შეამჩნია, მეზობელი ბათლომე როგორ გადაძვრა ქიშკარაში. დანარჩენს ხვალ იტყვიან... მისი თოხიც ნიაღვარში იპოვეს!

ინათა... ცა კუხე ატმისფრად აიწინწკლა... ბახო და ბიძია თაღო ნალიის ყურეში ისხდენ. ბახო საამურად აეღურტულებდა ხრიკოლასაგან გაკეთებულ საღამურს!



პიონერები აწყოებენ ტფ. მაულის ქარხანაში სოციალიზმის კუთხეს

## ინდუსტრიის გაზაფხული

გაზაფხულია. ასეთ გაზაფხულს არ მოსწრებია არცერთი ხანა! მინდვრებს, ტრაქტორით შავად გადახსულს, უმღერს ქალაქი, უმღერს ქარხანა. გავიდა მინდვრად მთელი სოფელი, ადგა შრომის ხმა და ჟრიამული. ზეიმობს მიწა ოფლით ნამული და სიღარიბის უარყოფელი. ინდუსტრიის და ქალაქის ქარით გუგუნებს ხევი, ყანა, სერები,

დგას კოლმეურნე და მოფერებით თავს დაჰქათქათებს მზიანი დარი. თვალშეუდგამი გაშლილა ველი, ვით გიგანტური ჭადრაკის დაფა, ზედ უთვალავი ტრიალებს ხელი, კოლექტიური ზეიმობს ჯაფა. გაზაფხულია. ასეთ გაზაფხულს არ მოსწრებია არცერთი ხანა! მინდვრებს, ტრაქტორით შავად გადახსულს, უმღერს ქალაქი, უმღერს ქარხანა.

### პ. ლორია

## ა ი მ ე

ერთი კვირაა, რაც სოფელ წიწვნარში სკოლა გახსნეს. ხის ახალი შენობა ლამაზ ადგილას არის წამომდგარი. წინ მშვენიერი ნაძვნარი, გვერდით მაღალი კაკლის ხეები, მოშორებით—მწვანედ შემოსილი სერი და იქვე ახლოს ხის ღარზე მოჩხრიალვ ანკარა ცივი წყარო.

აქ სკოლა არადროს არ ყოფილა. აქაური ბავშვები ხოჯასთან დადიოდნენ, რომელიც ლოცვებსა და არაბულ ასოებს ასწავლიდა. ამიტომ აქ ქართული წერა-კითხვა არავინ იცოდა, თუმცა სალაპარაკო ენა ქართული ჰქონდათ.

საბჭოთა ხელისუფლების დამყარებამდის გზაც კი არ ჰქონდა სოფელს, თორემ სკოლასა და კოოპერატივის დაარსებაზე ლაპარაკიც კი ზედმეტი იყო. აქაურობას ექიმბაშები, მკითხველები, ჩარჩები და ხოჯა-მოლები განაგებდნენ. ხოჯა მუჰამედი იყო მასწავლებელი, წინამძღოლი, ექიმი, მრჩეველი, და როგორც უნდოდა, ისე ატრიალებდა ყველაფერს. ავად გახდებოდა ვინმე—მასთან მიდიოდა შესალოცავად, დაიბადებოდა—მასთან მიყავდათ, გაიზრდებოდა—მას უნდა ესწავლებია, მოკვდებოდა და მაშინ ხომ მის ხელში იყო. მთელი სოფელი მის ლუკმას წარმოადგენდა და ვერავინაც ვერ ეცილებოდა ამაში.

საბჭოთა ხელისუფლების დამყარების შემდეგ შეიცვალა მდგომარეობა. პირველად სოფელში კოოპერატივი გახსნეს, შემდეგ გზა გამოიყვანეს

და ახლა ესაა სკოლაც დააარსეს და ორი მასწავლებელი გადმოგზავნეს.

გზის გაყვანას მაინცა და მაინც ბევრი მოწინააღმდეგე არ გამოსჩენია, მაგრამ კოოპერატივის გახსნასა და სკოლის დაარსებას ბევრი მტერი გამოუჩნდა. ყველაზე უფრო ხოჯა მუჰამედს არ დაუჯდა ეს ამბავი. მას ექიმბაშები, მკითხველები მიემხრნენ და ზოგიერთი გლეხიც აიყოლიეს.

— რად გინდა მაგათი ნასწავლები! თუ სწავლა გეინდა, ჩვენი ხოჯა კი ვერ გვასწავლის? — გაიძახოდნენ ისინი და სოფელში ათასგვარ ჭორს ავრცელებდნენ საბჭოთა ხელისუფლების წინააღმდეგ.

პირველ დღეს სკოლაში 25-მდის ბავშვი მოიყვანეს, მეორე დღეს ეს რიცხვი ათამდის დავიდა და ერთი კვირის შემდეგ სკოლას მხოლოდ სამი მოწაფე შერჩა, რომლებიც „მასწავლებლის ხათრისათვის“ დადიოდნენ. მასწავლებლებმა ეს მდგომარეობა თემსაბჭოს აცნობეს, თემსაბჭოს მიერ გამოგზავნილმა წარმომადგენელმა სოფლის მცხოვრებთა საერთო კრება მოიწვია და ერთხელ კიდევ დაადგენინა ბავშვების სკოლაში გაგზავნა. კრებაზე ყველამ თანხმობა განაცხადა, მაგრამ მეორე დღეს იმ სამ მოწაფეს, რომლებიც ამ დრომდის დადიოდნენ, ორის მეტი არ მოჰმატებია. მასწავლებლებმა დახმარებისათვის სოფლის საბჭოს წევრებს მიმართეს. უკანასკნელებმა სოფელი




ჩამოიარეს, მეზობლები გაათრთხილეს; მაგრამ მათ ვინ დაუჯერებდა, როდესაც თავიანთი შვილები შინ ჰყავდათ. ეტყობოდა, ბნელი ძალები მუშაობდნენ და საჭირო იყო მათ წინააღმდეგ გალაშქრება, მაგრამ ასეთი ძალა სოფელს არ ჰყავდა. ორი-სამი კომკავშირელი, რომელნიც ამ სოფელში ცხოვრობდნენ, ვერაფრითარ გაველენას ვერ ახდენდა ვისმეზე. ისინი ერთმანეთში მსჯელობდნენ, კამათობდნენ, ეწეოდნენ აგიტაციას გლეხებში, ახალგაზრდებში, მაგრამ არაფერი გამოდიოდა. საჭირო იყო უფრო ძლიერი და გამოცდილი ხელი.

რომ არაფერი გამოვიდა, თვითონ მასწავლებლებმა ჩამოიარეს სოფელი და გლეხებს ბაგშევის სკოლაში გამოგზავნა სთხოვეს.

— საქონელის მომვლელი არ მყავს.

ხოჯას მიერ მომზადებული გლეხები დადიოდნენ და აგრცელებდნენ ხოჯას მცნებას. თვითონ ხოჯა თითქოს განზე იდგა. ის ხშირად ჩაივლიდა სკოლის წინ და როდესაც მარტოდ მჯდომ მასწავლებლებს დაინახავდა, თითქო თანაგრძნობით მიჰმართავდა.

— ძალიან მებრალებით, რომ ასე უსაქმოდ ხართ. რას გააწყობთ. ამ ხალხის გონზე მოყვანა ძალიან ძნელი საქმეა. სჯობს წახვიდეთ და თქვენს საქმეს მიჰხედოთ, — ეუბნებოდა ის მასწავლებლებს და გულში კი უზომო სიხარულს გრძნობდა. მასწავლებლები ყურადღებასაც არ აქცევდნენ დროებით გამარჯვებულ ხოჯას და ცდილობდნენ, როგორმე მიეხდინათ გავლენა გლეხებზე და ბავშვები მოეხიდათ სკოლაში.



— მარტოხელი ვარ.

— ავადმყოფი ბავშვია და ვერ გამოვზავნი. პასუხობდნენ გლეხები და უავაზიან უარს ეუბნებოდნენ.

— ჩვენმა ძველებმაც არ იცოდნენ ქალაღი, მაგრამ ჰადს ჰამდნენ. ჩვენ რაზე უნდა ვასწავლოთ ბავშვებს! — გაბედულად ამბობდა ზოგიერთი, მაგრამ როდესაც მას საკადრის პასუხს ვასცემდნენ ან სიტყვას მოუჭრიდნენ, ისინი ენას მუცაღში ჩაიგდებდნენ და ხოჯასთან გაიქცეოდნენ რჩევა-დარიგებისათვის. ხოჯა ახალ-ახალ დარიგებებს აძლევდა და უსაბუთებდა, რომ ქართული წერაკითხვის სწავლა აკრძალულია რჯულის მიერ.

არც ხოჯა იყო გულზე ხელდაკრეფილი. ის დადიოდა გლეხებში და ახალ აზრებს აბნევდა.

— ხომ ხედავთ, გაიურები როგორ ცდილობენ თავიანთი რჯულის სწავლა მივაღებინონ. თქვენც უნდა მიხედეთ და თქვენს შვილებს არაბული, ნანდვილი ჩვენი რჯულის წერა ასწავლოთ.

გამოგზავნეთ ჩემთან. ქალაღსაც ვასწავლი, ლოცვებსაც და, თუ მოვრიგდებით ფასზე, ნუსხის დაწერასაც შევასწავლი, — ატყუებდა გლეხებს. სწავლის ქირაც კი შეამცირა. თუ წინათ სამი კოთხი კარაქი, ერთი ცხვარი, ორი დედალი და ასი კვერცი მიქონდა, ახლა ამის ნახევარს სჯერდებოდა.

მიდიოდა დღეები, და ვინ იცის კიდევ რამდენ ხანს იქნებოდა ეს სოფელი ასეთ მდგომარეობაში, რომ ერთ შემთხვევას არ დაეჭარბებია საქმის შემობრუნება. შეიძლება არც ისე მნიშვნელოვანი ყოფილიყო ეს შემთხვევა სხვა დროს და სხვა სოფლისათვის, მაგრამ აქ ის დიდმნიშვნელოვანი გახდა.

ერთ დღეს ამ სოფელს ერთი სტუმარი ეწვია. სანამ გაიგებდნენ ვინ იყო, ყურადღებაც არავის მიუქცევია, მაგრამ შემდეგ ბევრს არ ესიამოვნა მისი გამოჩენა. სტუმარი აქაური იყო, ამ სოფლის შვილი. ის რვა წლის იყო, დედ-მამა რომ დაეხოცა, ნათესავებმა არ უპატრონეს, ეთრია ერთხანს სოფელში, მაგრამ შემდეგ სადღაც გაქრა და აგერ ოცი წელია არავის უნახავს, მისი ქონება კარგახანია გაინაწილეს მისმა ნათესავებმა და თავისად თვლიდნენ. ამ დროს მოულოდნელად მისი გამოჩენა, და ისიც ცოლშვილით, აბა რა სასიამოვნო უნდა ყოფილიყო ამ ხალხისათვის. ვაი თუ მოგვთხოვოს და ყველაფერი სარგებლით გადაგვახდევინოსო, — ფიქრობდნენ ისინი და დარღისაგან აღარ იყვნენ, მაგრამ როცა ჯემალმა თავისი აზრი და მიზანი გააცნო მათ, ქონებაზე კი კრინტიც არ დაუძრავს, ცოტათი დამშვიდდნენ.

ჯემალი დიდი ნაწვალეები კაცი იყო. სოფლიდან გაქცეული რვა წლის ბავშვი ბევრი ეთრია ქალაქში. ერთხანს ერთ სპარსელთან დადგა საჩაიეში, მერმე ლუდხანაში გადავიდა, მაგრამ იქაურ ტანჯვასა და მოპყრობას რომ ვერ გაუძლო, გაიქცა და ჩაქვის ჩაის მამულში დაიწყო მუშაობა. პირველ ხანებში ჩაის მკრეფელი იყო, შემდეგ ჩაის ფაბრიკაში შევიდა, მაგრამ ბოლოს იქიდანაც გამოვიდა და ერთ მებაღესთან მუშაობდა, სადაც ხალისით სწავლობდა მცენარეების ცხოვრებას. იქ მან წერა-კითხვაც ისწავლა და ასე თუ ისე გზაც გაიკაფა. თებერვლის რევოლუციის მისთვის მაინც აღმდგომი კარგი ამბავი არ მოუტანია. ის ამ დროს გაეცნო პოლიტიკურ პარტიებს, მათ მუშაობას და ვინაიდან ის ბოლშევიკების აქტიური მომხრე შეიქმნა, ამ პარტიამაც ჩაეწერა და არალეგალურ მუშაობაში ჩაება. ეს არ გამოჰპარვიათ მენშევიკებს, და ჯემალსაც არ ასცდენია ბათომის ციხის კედლები. ვინ იცის, რამდენ ხანს იქნებოდა ის ციხეში და მისი ცოლ-შვილი უპატრონოდ, მშვიერ-მწყურვალნი, საბჭოთა ხელისუფლება რომ არ დამყარებულიყო. საბჭოთა ხელისუფლების დამყარებამ არამც თუ მარტო ციხის კარები გაუღო ჯემალს და მის ბედში მყოფ ამხანაგებს, არამედ მომავლისაკენ გზაც გაუკაფა

და ახალი შესაძლებლობა მისცა. პარტიულ მუშაობასთან ერთად ჯემალმა სწავლასაც მოჰკიდა ხელი და სამი წლის ენერგიული მუშაობის შემდეგ აგრონომი გახდა. ის თავისი სურვილით საოლქო პარტიული კომიტეტის მიერ გაწესებულ იქნა თავის სოფელში აგროპუნქტის მოსაწყობად და სხვა პარტიული საქმეების სახელმძღვანელოდაც.

ჯემალის ცოლი თინა გურული ქალი იყო. ისიც ჩაქვის ჩაის ფაბრიკის მუშა იყო ბავშვობიდან და ჯემალმაც იქიდან გაიცნო, მაგრამ საბჭოთა ხელისუფლების დამყარების შემდეგ თინამაც მოჰკიდა სწავლას ხელი და მალე ბებიობა შეისწავლა. სოფლისათვის როგორც ჯემალი, ისე თინაც გამოსადეგი იყო, და მასაც არ უთქვამს უარი, როდესაც ჯემალმა თავისი აზრი გაუზიარა სოფელში სამუშაოდ წასვლის შესახებ.

მათი პირველი შვილი აიშე შვიდი წლისა იყო და ამჟამად საბავშვო ბაღში დაიარებოდა. მეორე შვილი ხასანი სამი წლისა იყო. მას არაფერი გავეგებოდა ცხოვრების. აიშეს კი სოფელში გადასახლების ამბავი არ მოეწონა: მას აქ აუარებელი ამხანაგი ჰყავდა, მასწავლებლებთანაც შეჩვეული იყო, მრავალი ლექსი და სიმღერა იცოდა და ოქტომბრელებში პირველი ადგილი ეჭირა. ყველა ამეების მოცილება მისთვის ადვილი არ იყო, მაგრამ მშობლების სურვილს ხომ ვერ აღუდგებოდა.

— ამხანაგებს იქაც გაიჩენ, — ეუბნებოდა დედა აიშეს.

— წიგნებს იქაც იკითხავ, თამაშობით იქაც ითამაშებ.

— კი, მაგრამ იქ სკოლა რო არ იქნება? — გულნატკენი ამბობდა აიშე.

— სკოლა არის, — ამშვიდებდა დედა. — იმ სკოლას რომ დაათავებ, მერმე ისევ ქალაქში გადმოგიყვანთ და უფრო კარგადაც მოგაწყობთ.

დედის სიტყვები ვერ აკმაყოფილებდა პატარა აიშეს, მაგრამ რა უნდა ექნა. ის წასვლამდის ერთი დღით ადრე გამოემშვიდობა ამხანაგებს, ჩაიწერა ზოგიერთის სახელები თითო ასოობით, ზოგიერთებს სურათებიც გამოართვა, მასწავლებლებს მადლობა გადაუხადა და წავიდა. საბავშვო ბაღისათვის სასიამოვნო არ იყო აიშეს მოცილება, ბავშვებმა ქუჩამდის გამოაცილეს ის. ბევრ მათგანს ცრემლებიც გადმოსცვივდა თვალებიდან. მასწავლებლებსაც ეწყინათ მხიარული და საყვარელი ბავშვის წასვლა. აიშე მუდამ პირველი იყო ბაღში. როცა დიღებს მოაწყობდნენ, აიშე თავისი ლექსების თქმით ყველას აკვირებ-

და. სიმღერა და ცეკვაც კარგი იცოდა, და ამა ასეთი ბავშვის მოცილება რა სასიამოვნო უნდა ყოფილიყო.

აიშე დაღონებული მივიდა შინ. მშობლები მიხვდნენ რაშია ციო საქმე და აიშეს გამხიარულებას შეუდგნენ.

— ისეთ ლამაზ მთებს ნახავ, ისეთ ჩანჩქერებს, იმდენ ფრინველს, იმდენ ამხანაგს გაიცნობ, რომ ყველაფერი დაგავიწყდება, — უთხრა მამამ. ასეთივე იმედი მისცა დედამაც, და მეორე დღეს აიშე მხიარულად ჩაჯდა ავტოში, რომლითაც ისინი უნდა გამგზავრებულიყვნენ.

გზაში მართლაც შესანიშნავი ადგილები ნახა აიშემ. გიჟი მდინარეები, ჩანჩქერები, მთები, კლდეები, სხვადასხვა ჯიშის ფრინველები და მცენარეები. მიქროდა ავტო, და წინ იშლებოდა მშვენიერი ბუნება აჭარისტანისა. მშვენიერი სანახაობები, მშვენიერი ჰაერი. აიშეს თანდათან სიხალისე ემატებოდა, მშობლებიც კმაყოფილი იყვნენ.

სოფელ წიწვნარამდის საავტომობილო გზა არ იყო და ამიტომ ათიოდე კილომეტრის მანძილი ურმით გაიარეს. ურმით სიარულიც არ ყოფილა აიშესთვის უსიამოვნო, ის ახლა უფრო ათვალისებრი იყო, უფრო კარგად უკვირდებოდა.

ბოდა ნაკადულების ჩხრიალს, ისმენდა ფრინველების გალობას და ტკბებოდა მშვენიერი ბუნების ცქერით.

სოფელში მისვლისთანავე ჯემალმა ერთი გლენის ოჯახში დაიჭირა ბინა და ცოლშვილით იქ დაბინავდა. აიშემ ამოალაგა თავისი წიგნები, სათამაშოები, სურათები და ერთი კუთხე ბინისა ისე მოართო, როგორც ბათომში ჰქონდა. პატარა ხასანი ჯერ არაფერში არ იღებდა მონაწილეობას, ის დაბაჯბაჯობდა სახლში და ხანდახან რამეზე თუ ფეხს წამოჰკრავდა, გაგორდებოდა, ერთს დაიკვნესდა, შემდეგ წამოდგებოდა და ისევ განაგრძობდა თავის საქმეს.

სტუმრების მოსვლის ამბავი სწრაფად მოედო სოფელს.

პირველად ბავშვებმა მოიყარეს თავი და აიშეს დაუწყეს შორიდან თვალიერება, შემდეგ გლენები მოვიდნენ ჯემალისა და მისი ოჯახის გასაცნობად და ბოლოს ქალებმაც დაიწყეს დენა თინას სანახავად. ისინი ჩუმად შეიპარებოდნენ დისახლისთან და თინას ინახულებდნენ. თუ ოჯახში მამაკაცები არ იყვნენ, თინასთანაც შედიოდნენ და გარემო პირის დაუხმარებლად ეცნობოდნენ უცხო ქალს.

(გაგრძელება იქნება)

### 3. ლოკატიონი

## შეიარაღებული თვალი<sup>1)</sup>

(დასასრული)

ფოტოგრაფი წყალქვეშ

ტყეში დევები ცხოვრობენ. ძველ სახლში — ქინკები. წყალში — ალები, წყლის მეფე და საშინელი, დიდკბილებიანი გველები — დრაკონები. მთვარიან ღამეს ალები ზედაპირზე ნებივრობენ, წყლის მეფე კი, შამითა და წყალმცენარეებით გაბუფებული, ფსკერზე ზის თავის წყალქვეშა სასახლეში და თევზებს ასამართლებს. ხანდახან ის ცეკვას იწყებს, და მაშინ ზღვაში თეთრქაფიანი დიდი ტალღები აგორდება.


დიდი ხანი არ არის, რაც ასე მოუთხრობენ ბებები ზამთრის გრძელ ღამეებში. მაგრამ ბებიები თვითონ არასოდეს არ ყოფილან ზღვის

ფსკერზე და ამიტომ ხშირად აუარევენ ხოლმე თავის მოთხრობას. წყალმყვინთავებიც იშვიათად ჩადიოდნენ წყალში და თუ ჩავიდოდნენ, მხოლოდ თითო-თითოდ და შეეძლოთ ეამბათ წყალქვეშა ცხოვრების შესახებ, არაუარის ჩვენება კი არ შეეძლოთ. ამიტომ ზოგიერთებს ბებიების ნაამბობი სჯეროდათ, ზოგიერთებს — წყალმყვინთავების.

1915 წელს ადამიანმა პირველად ჩაუშვა წყალქვეშ თავისი უზარმაზარი სამეთვალყურეო თვალი. ეს იყო ლითონის დიდი ცილინდრი, რომელშიც მშვენივრად თავსდებოდა ადამიანი. ცილინდრში სარკის ფართო ფანქარი იყო. ფანქარში ადამიანმა განსაკუთრებული კინოაპარა-


<sup>1)</sup> იხილეთ ჟურნ. „პიონერი“ № 3.

ტი გაყო, და ეს წყალქვეშა თვალი გულდასმით ათვალიერებდა ზღვის ფსკერის ცხოვრებას, ოცი-ათასსანთლიანი პროექტორები, წყალში ჩაშვებულნი, მას უნათებდნენ იქაურობას.



**ფოტოკამერისანი ცილინდრი წყალქვეშა**

რასაკვირველია, არაერთი წყლის მეფე არ უნახავს კინოაპარატს. მაგრამ მან იქ ნახა მარჯნის უზარმაზარი ნაგებობანი, წყალმცენარეთა მოქანავე ტყეები და ხავსი წყალქვეშა კლდეებზე. მან ნახა რამდენიმე ასეული სხვადასხვა სახის ზღვის მცხოვრებნი, აკულით დაწყებული და მანათობელი თევზებით გათავებული. ისინი



**ღრმავლოვანი მანათობელი თევზები, რომლებიც დაინახა ფოტოგრაფმა.**



**„აზი სულის განღვინა“ (ქველი სურათი)**

წარმოადგენდნენ ერთადერთ ფანრებს ზღვის ფსკერზე, თვითონ კი ბრმები იყვნენ და საკვებს შეხებით პოულობდნენ. მან იქ ისეთივე საინტერესო და მრავალფეროვანი ცხოვრება ნახა, როგორც დედამიწის ზედაპირზეა. მან გადაიღო ეს ცხოვრება და შემდეგ ეკრანზე უჩვენა ასიათასობით ადამიანებს წყალქვეშა ცხოვრების თავისი უტყუარი დაკვირვებანი.

ასე ისწავლა ადამიანის თვალმა ზღვის ფსკერის დანახვა და მისი ფოტოგრაფიული სურათის გადაღება.

**ბელესკოკი**

ადამსა და ევას ორი შვილი ჰყავდა: კაინი და აბელი. აბელი კეთილი იყო და ცხვრებს მწყემსდა. კაინი ბოროტი იყო და შურიტ უცქერდა მშვიდ აბელს. ერთხელ, როდესაც ძმები ღმერთს მსხვერპლს სწირავდნენ, აბელის კოცონის კვამლი სვეტივით აღიოდა ზევით: მისი ზვარაკი ღვთისთვის სასურველი იყო, კაინის კოცონის კვამლი კი მიწას განერთხა: ღმერთმა არ ისურვა მისი ზვარაკის მიღება. გაბრაზდა კაინი და მოკლა აბელი. მაშინ ღმერთმა დაწყევლა მკვლელი და, რომ ადამიანებს მუდამ ხსომებოდათ ეს საშინელი ბოროტმოქმედება, ბრძანა მკვლელობის სურათი მთავარის ზედაპირზე აღბეჭდილიყო.

ასე მოუთხრობდენ მღვდლები, და მათი თხრობის გავლენით ზოგიერთნი მართლა ხედავდენ მთვარეზე აბელის სურათს, რომელიც კოკონთან ეგდო, და ბოროტ კაენს, რომელიც გარბოდა. ეს ზღაპარი განაცარმტვერდა, როდესაც ადამიანებმა ტელესკოპი გამოიგონეს.

ტელესკოპი უზარმაზარი საჭვრეტი მილია, რამდენიმე სართულის სიმაღლე. მისთვის სპეციალურ შენობას აგებენ და სახურავში დიდ ზვრელს აკეთებენ, რომ ტელესკოპს შეეძლოს გარეთ გახედვა. ტელესკოპში მოწყობილია სარკეები; თითო მათგანი  $4\frac{1}{2}$  ტონას იწონის და 3 მეტრი განი აქვს. ტელესკოპს რთული საათის მექანიზმი მართავს. მას მძლავრი მოტორები აბრუნებენ. მთლად ის 100 ტონაზე (6000 ფუთი) მეტს იწონის.

ეს ცის თვალი მშვენივრად ხედავს მთვარეს,

თუმცა დედამიწიდან მთვარემდის 384000 კილომეტრია. ტელესკოპი მშვენივრად ხედავს მთვარეზე 300-მეტრიან საგნებს, მაგრამ ის ვერ პოულობს იქ ვერც კაინს, ვერც აბელს. საზოგადოროდ თავის ფოტოგრაფიულ ფირფიტებზე (ტელესკოპი მშვენივრად იღებს მთვარის, მზის პლანეტების სურათებს) მან გადაიღო მთვარის შესანიშნავი სანახაობანი.

უზარმაზარი შავი ჯაჭვები. მთვარის უმაღლესი მწვერვალი 8 კმ. უდრის. მთვარის უზარმაზარი უწყლო „ზღვები“ მთვარის საშუალო ღონეზე 2500 მეტრით დაბლაა. 50000 მრგვალი კრატერია, ბეკდისებრი მალლობები და მთავრებილები, თითქმის სულ ერთნაირნი, და არც ერთი წვეთი წყალი, არც ერთი ბალახი.. ჰაერის ნიშანწყალიც არ არის: მთვარე მკვდარი სამყაროა.

თარგმანი შ. თაბუკაშვილისა

XXXXXXXXXXXX

## მ. ებრაელიძე.

# გ ა ზ ა უ ხ უ ლ ი

ზეცას გული გაუღია,  
მზე მიწაზე სხივებს აქსოვს,  
ყველას ღიმი გადაჰკვრია,  
გაზაფხულდა, ველარ დათოვს!

კარგი არის გაზაფხული,  
კამკამა ცის სილაყვარდე,  
ვის არ უცემს გრძობით გული,  
ვინ არ ეძებს ია-ვარდებს!

მალე ველებს მოედება  
კოლექტიველ მშრომელთ ჯარი,  
ჰექტარები გაღიხნება,  
იგუგუნებს რკინის ხარი.

წელს რომ არტელს მეტი ჰქონდეს  
დოვლათი და მოსავალი, —  
ყველა შრომობს როგორც ერთი, —  
დიდ-პატარა, კაცი, ქალი.

ჩაის ბუჩქებს უვლის დედა  
ამწვანებულ გორაკებზე,  
გაფენილა კოლექტივი  
ზღვად გადაშლილ ველ-მინდვრებზე.

და ჩვენც უფრო ვიყოჩაღებთ,  
ვისწავლით და ვიმამაცებთ,  
ახალ ქვეყნის ბრძოლის გზებზე  
ცხოვრების ტემპს პასუხს გავსცემთ.

XXXXXXXXXXXX



# ზოსიმეს ოცნება

1.

ლექინო მთელ სოფელში ყველაზე უფრო მორწმუნე კაცად ითვლებოდა. მას თავისი სილარიბე ლოცვა-კურთხევით უნდოდა შეემსუბუქებია, რადგან მღვდლებისგან ასე ჰქონდა შთაგონებული.

ის სადღილად რომ დაჯდებოდა, პირველად პირჯვარს გამოისახავდა და თანაც დაბალი ხმით წაიბუტბუტებდა, ისე რომ ახლოს მყოფსაც კი უჭირდა მისი გაგონება.

ლექინო სტუმრად თუ იქნებოდა, მაშინ ქიქას ხელში აიღებდა და ყველას გასაგონად იტყოდა:

— ღმერთო დიდებულო, აგვიშენე მასპინძელი, გაუმარჯვე მის სტუმრებსა.

ამ სიტყვების შემდეგ ყველანი აიღებდენ ღვინით სავსე ქიქებს და ერთბაშად გადაკრავდენ.

ლექინო კურტანიძე ძველი კაცია.

მან წარსულის ბევრი ამბავი იცის.

ლექინო ახალგაზრდებში დინჯად იტყვის ხოლმე:

— ჰეი, შვილებო, რა არ მინახავს, რა არ განმიცდია... ჩემს თავზე პური არ გაღეწილა, თორემ სხვამ ყველაფერმა გადაიარა...

დიდი არის კურტანიძეების სოფელი.

ამ ვეებერთელა სოფელს საკმაოდ მოზრდილი მდინარე ყოფს შუაზე. მდინარის გაღმა გამოღმა მშვენიერი სოფლებია გაშენებული. გაზაფხულის დამდეგს, როცა ზამთრისაგან გაძარცვული ხეები ისევ შეიმოსება, როცა ხეხილი ისევ აყვავდება, ამ სოფლებს კიდევ უფრო მეტი სიმშვენიერე ენიჭება.

ბუნებაში თუმცა სიხარული ტრიალებდა, მაგრამ გულჩახვეული ლექინო კურტანიძე ცხოვრების მძიმე ჰაზანს წელწყვეტით ეწეოდა...

2

კურტანიძეების ვეებერთელა სოფელს ერთი ეკლესია ჰქონდა.

ეკლესია მდინარის გაღმით რომ პატარა სოფელია, იქ იყო აგებული. ლექინო კურტანიძეც ამ უბანში ცხოვრობდა. თლილი ქვისგან აშენებული ეკლესია მაღალ ადგილზე იყო და მდინარეს მისი ამაყად აწვდილი გუმბათი მედიდურად დასცქეროდა.

ზოსიმე და მისი დიაკონი გამოღმა ცხოვრობდენ. ზაფხულობით, როცა მდინარე ძალზე იკლებდა, ეკლესიაში მისვლა ადვილდებოდა, მაგრამ ზამთრობით საქმე ფერხდებოდა.

ძნელი იყო მდინარეში გასვლაგამოსვლა.

ერთხელ ზოსიმე და მისი დიაკონი აღრე მივიდენ ეკლესიაში.

ეკლესიას დასავლეთის მხრიდან პატარა შენობა ჰქონდა მიდგმული, რომელსაც საქალეზოს ეძახოდენ. მათ საქალეზოში ცეცხლი დაანთეს. ისინი ალიცილიცებულ ცეცხლს ირგვლივ შემოუხსდენ და დასხდომისთანავე დაიწყეს მუსაიფი.

— მამაო, ჩვენი საქმე უნდა მოვაგვაროთ, თორემ მუდამ ასე წყალში წანწალი არ ივარგებს, — მიმართა ზოსიმეს დიაკონმა.

— ჰო, შვილო, მართლაც რომ მოსაგვარებელია ჩვენი საქმე. ან აქეთ უნდა დავსახლდეთ, ან ეკლესია უნდა ავაშენოთ ჩვენს მხარეზე. ის დრო წავიდა, როცა ეკლესიებს მთებსა და მიუვად ციკაბოებზე აგებდენ. — ასე უპასუხა ღვთის ერთგულ მოსავეს, რომელიც მუდამ ოცნებობდა აღძრული საკითხის გადასაქრელად.

— მამაო, ისევ ეკლესიის აშენება სჯობს ჩვენს მხარეზე, თორემ აქეთ რომ დავსახლდეთ; ამ აღმართზე სიარული მაინც არ მოგვშორდება და ამ დაბაქალაქსაც მოგწყდებით.

ზოსიმემ ჰალარა უღვაშებს ქვეშ ჩაიციხა, დიაკონს მხარზე დაადო ხელი და წყნარად უთხრა:

— ვიფიქროთ.

— არა, მამაო, ხანგრძლივ ფიქრს დროს ნუ მოანდომებთ, ჩვენი საქმე ღვთის ნებად გამოვაცხადოთ...

— არ ივარგებს, მამა და შვილო, ახალი ეკლესიის აგება მრევლს მძიმე ტვირთად დააწვება, — ბრძნულად უპასუხა ზოსიმემ.

— ჩვენ რა გვენაღვლება.

— ჩვენ?! ჩვენთვის ულუფის მორთმევა გაუძნელდებათ.

ღიაკონმა ულუფის შემცირება რომ გაიგონა, თავი ჩაკიდა და მძიმე ფიქრმა წაიღო.

მას ულუფის შემცირება არ მოეწონა.

ზოსიმე უხმოდ იჯდა და წაბლისფერ წარბებს მაღლა წევდა.

გარედან შხაპუნა წვიმის ხმა ისმოდა.

ფიქრებში შეცურებულ მღვდელსა და ღიაკონს წვიმის შხაპუნი ნანასავით ესმოდათ. დუმილი ღიღინას არ გაგრძელებულა. ეს მყუდროება ღიაკონმა დაარღვია.

— ფიქრი ნუ გაქვს, მამაო, ღვთითა და კანონით გადაწყვეტილ საქმეს ხალხი ვერ დაარღვევს.

— მამა და შვილო, თუ ჩვენს საქმეში ღმერთი და კანონი ჩაერევა, აბა მაშინ ვინ რას დაგვაკლებს. გლეხი ყველაფრის ამტანია.

მათ საუბარში კარგახანმა გაიარა, და გლეხებიც თანდათან მოგროვდნენ. ზოსიმეს ახალი აზრი მტანჯველ ფიქრად აეკვიატა.

ხალხი გაღმა უფრო ბევრია, ვინემ გამოღმა, ამიტომ ჩვენი მხარე დასძლევს აქაურებს. საქმეს ჩვენ სასარგებლოდ გავაკეთებთ...

ზოსიმე რომ ფიქრებით იყო დატვირთული, ამას იქ მყოფი გლეხებიც ადვილად ამჩნევდნენ.

### 3.

თვეები მიდიოდა.

ზოსიმე ყოველ შაბათ-კვირა ეკლესიიდან დატვირთული ხურჯინით ბრუნდებოდა შინ. მას თითქმის თავისივე ხნის ჯორი ჰყავდა. ამ ჯორით ეზიდებოდა გლეხების ნაოფლარს, მართალია, ჯორს ძალიან უჭირდა მსუქანი მღვდლისა და ხორაგის ზიდვა, მაგრამ ისიც კი იყო პირისგემოში, რადგან დაობებული პური და ტაბლები მას ეკუთვნოდა.

ზოსიმეს ოჯახში ჯორიც პურით იკვებებოდა, იმ დროს, როცა გლეხებს პური კი არა, მჭადი ენატრებოდათ, თუმცა მღვდლებისთვის კი ყოველთვის მიქონდათ. ზოსიმე მღვდელი გლეხების მასწავლებლად ითვლებოდა, რადგან მათ ყოველი წირვის შემდეგ უქადაგებდა:

— რამეთუ ხსენებულ იქნას ნეტარად მიცვალებულნი თქვენნი, ამიტომ მათთა პატივსაცემად და სულის მოსახსენებლად ქრისტიანული წესი არაოდეს იქნას დავიწყებული.

ასეთი იყო ზოსიმეს დარიგება.

გლეხებმა კარგად იცოდნენ „ქრისტიანული წესის“ შინაარსი, რომლის განმეორება ხშირად უყვარდა ზოსიმეს.



მღვდლისა და დიაკვნის მომქანცველი ბუტ-ბუტი გათავდებოდა თუ არა, შავ ტანისამოსში გამოწყობილი სოფლელი დედაკაცები მღუმა-რედ გამოვიდოდნენ ეკლესიიდან. ისინი ეკლესიას რამდენიმე ნაბიჯით რომ გამოშორდებოდნენ, მერე ძალიან დაბალი ხმით დაიწყებდნენ ერთმანეთს შორის ტკბილ მუსიკას.

მშვენიერი სამუშაო დღე იყო, როცა ეკლესიიდან მღვდლის ბუტბუტით გაბრუნებული დედაკაცები შინ მიდიოდნენ.

— ქალო, რაგვარი კარგად იქადაგა დღეს ჩვენმა მღვდელმა, — ჩამოაგდო სიტყვა ერთმა ხნიერმა დედაკაცმა. ისინი ეკლესიის გაღრმავანში მოფენილ საფლავის ლოდებს შორის ნელ-ნელა მიაბიჯებდნენ.

ეკლესია უკან რჩებოდა, მოგონება კი მათ გულში.

— აბა, აბა, ქალო. — დაუდასტურა მეორემ.

ის ქალები ლეხინოს მეზობლები იყვნენ. ამ დროს ლეხინოც მათთან იყო. ქალები აგრძელებდნენ საუბარს, ლეხინო კი ყურს უგდებდა. ისიც იყო გაღრმავანს გამოშორდნენ, ლეხინომ უკან მიიხედა და ბოლოს კი თვითონაც შეერია საუბარში.

— ღმერთი და ქრისტე მწამს, მაგრამ მღვდლების რა მოგახსენოთ... მუქთახორა ხალხია.

მოხუცებულობით გათეთრებული კაცის სიტყვებმა უცნაურად შეაჩოჩქოლა სოფლელი დედაკაცები. მათ წყვილწყვილად დაიკრეს ხელები მუხლებზე და შეშფოთებულნი ავიშვიშდნენ:

— უი, ბეჩა, ბატონო, უმღვდლო სარწმუნოება გავონილა? — მიჰმართა მოკრძალებით ერთმა დედაკაცმა ლეხინოს.

ლეხინო დაფიქრდა და თავისი მოხუცისა და ბევრის მნახველი თვალები თოკივით გაწვდილ ვზას გააყოლა.

— ჰო, შენ ეგ მითხარი და... — მიუგო ლეხინომ დაეჭვებით.

ლეხინოსავით მაშინ ბევრი გლეხი ლაპარაკობდა, მაგრამ პირჯვარს მაინც იწერდნენ. მათ თავიანთი უკანასკნელი ლუკმა თავისი ხელით მიქანდათ მღვდლისათვის.

— ზოგ შემთხვევაში ქურდი უფრო მართალია. ის ქურდობის დროს ერთგვარ შრომას ეწევა. მას ეშინია, მიწას ეკვრის, ღობე-ყორეს ეფარება. მღვდელს კი მუქთად ვაძლევთ. რისთვის? არაფრისთვის. გვეუბნება: თქვენი მკვდარი ცხონდებაო, მაგრამ ჩვენი მკვდრები კი არა... ყველაფერი მაგათ მუცელში მიდის. — ლეხინო ამ სიტყვებს უკმაყოფილოდ ლაპარაკობდა.

ხნიერ გლეხთა უმრავლესობას მღვდლები არ მოსწონდათ, მაგრამ ღმერთი კი წამლათ.

ახალგაზრდები ორივეს უარყოფდნენ. ზოსიმეს ესმოდა ყველაფერი და თავის დიხსნას ხმას კიდევ უფრო იბოხებდა. მის ბოხ ხმაში, რომელიც ერთმანეთში შერეულ ხარების ჟღერ-ჟღერით ისმოდა, მხოლოდ დარიგება იხატებოდა, რომ ღმერთი არ დაჰვიწყებოდათ.

ზოსიმემ გლეხობასთან მოილაპარაკა, რომ ეკლესია ცუდ ადგილზე იყო აშენებული და საჭიროდ თვლიდა მის წყალგაღმა გატანას. ის თავის აზრს ღვთის განგებად ასაღებდა.

სოფლის ღარიბ მოსახლეობას ზოსიმეს აზრი არ მოეწონა.

ისინი მიხვდნენ, რომ ეს მძიმე საქმე მათ გადალტყავებულ ზურგსა და მხრებს უნდა გადაეტანა.

— ჩვენი საყდარი ძაან კაი ალაგზეა, ვისაც ლოცვა უნდა, აქაც კარგად მოვა, ღმერთი ყველგან ერთნაირად იხედებაო, — თქვა ერთმა გლეხმა, რომელიც საკმაოდ მოხუცებული იყო.

— კაი, ჩემო ბიძია, ღმერთი კი არის?! — ჩაერთა საუბარში პირტიტველა ვასო.

— არა, შვილო, ღმერთი არის, მაგრამ ქვეყანაზე ბევრი უსამართლობა ხდება, — შეეკამათნენ ისევ მოხუცები.

ახალმა საკითხმა ისინი შეაშფოთა.

შეიქნა ჩოჩქოლი.

მოხუცები და ახალგაზრდები ერთხმად ამბობდნენ უარს. ზოსიმე მიხვდა, რომ ამ საკითხის ასე გადაჭრა არ შეიძლებოდა, ამიტომ მან სულ სხვანაირ ფიქრებს მისცა თავი, შეწყვიტა ამ საკითხზე ლაპარაკი და თავის დიაკონთან ახალი გეგმის შედგენა გადაწყვიტა.

მათ საიღუმლო გეგმის შედგენაში კარგახანმა გაიარა. გავიდა წლები, და ზოსიმეს წაბლისფერ გრძელ თმაში ქალარა გაუხშირდა.

— მეც ვხუცდები, მაგრამ საშვილიშვილო საქმეს ვაკეთებ, — ეტყოდა ხოლმე ზოსიმე დიაკონს. დიაკონი კი საკუთარ კმაყოფილებას თავის დაქნევით უდასტურებდა.

ის მართლა საშვილიშვილო საქმეს იკეთებდა, რადგან მღვდლები მთელს სოფელში მარტო ზოსიმეს გვარეულობიდან გამოდიოდნენ.

ხანი გავიდა.

ძველ-ძველი ამბები დავიწყებას მიეცა.

გლეხებს აღარც ზოსიმეს თაოსნობა ახსოვდათ, ეკლესიაც ისევ თავის ადგილზე იდგა და დასცქეროდა ხან აქუხებულ და ხან წყნარად მოღუდუნე მდინარეს.



გაზაფხული დაიწყო.

ხეები ფოთლებით შეიმოსა.

გლეხები გაეფინენ მინდვრებში და მუშაობა გააჩაღეს. მინდვრები და გორაკები ხავერდით აბიბინდა, ბუნებაში სიხარული ტრიალებდა, გლეხები კი საერთო სევდაში იყვნენ გახვეული, რადგან მეფის ჯალათურმა ხელისუფლებამ ზოგს შვილი გამოსტაცა ხელიდან და სადღაც მიუვალ ქვეყნებში დაკარგა, ზოგს ნათესავი, რადგან ისინი მეფის დახვესებული წყობილების წინააღმდეგ იბრძოდნენ. გლეხები მაინც მუშაობდნენ. მათ უნდა ერჩინათ მუქთახორები, მღვდლებით დაწყებული და სხვა მუქთამუქმელი ადამიანებით გათავებული.

გაზაფხულის ერთიან მუშაობას ლეხინო კურტანიძეც შეუერთდა.

იგი სხვებთან ერთად მუშაობდა ქალებში.

დაცემული ტრიალი მინდორი შავი ხნულით აკრეღდა.

მზე თანდათან იწვედა ცის შუა ნაწილისაკენ. მებრეები მოიქანცნენ.

— ახლა ჩვენებურად რომ დაეფოლოდდებოდეთ, ეს დაქანცულობა აღარც კი მოგვაგონდება, — გაეხუმრა ვასო მეზობლად მომუშავე გლეხს, რომელიც საკმაოდ დაღლილიყო, მაგრამ ფეხშეწყობით მიმავალ ხარებს მაინც სიმღერით მიჰყვებოდა. პატრონის სიმღერა ხარებსაც გულს უმაგრებდა და ნაბიჯები მტკიცედ მიჰქანდათ.


— უყურე, უყურე, ვასოსაც რავა უსწავლია ლეხინური! — სიცილით თქვა მეზობელმა მებრემ.

გლეხები „დაფოლოდებას“ შენაყრებას ეძახიან.

გლეხების ასეთი გულმოდგინე მუშაობის დროს ზოსიმე და მისი დიაკონი საიდუმლო საქმეს ამზადებდნენ. ისინი ღრმად დარწმუნებულნი იყვნენ, რომ ჩქარა ისეთი დილა გათენდებოდა, როცა სოფელს „ახალი სასწაულის“ ხმა მოედებოდა. მათ სამისო გეგმა დაწყობილი ჰქონდათ.

ახალ გაზაფხულზე გლეხებმა მაგრად შეუტყეს ხენა-თესვას და სალამოობით შინ მეტად მოქანცულნი ბრუნდებოდნენ. ისინი ჯერ ხარებს აკმევენ, მერე თვითონ ივანშემებდნენ და ნავახშემებს ტკბილად ჩაიძინებდნენ.

(დასასრული იქნება)



|||აქაი|||აქაი|||

ჩვენი ქვეყნის კუთხეები

1. ხევი

„ხევი ხომ ყველგანაც არის? ისეთ მთიან ქვეყანას, როგორც საქართველოა, ხევების მეტი რა მოეპოვება! წყნეთთანაც არის საკმაოდ ღრმა ხევი, რომლიდანაც პატარა მდინარე გამოდის. ბოლოსა და ბოლოს, ბოტანიკურ ბაღს შუაზე კვეთს დაბახანის ხევი. რომელ ხევზეა ლაპარაკი?“

აღბათ, ასეთ შეკითხვას მომცემენ მკითხველები, როდესაც ამ წერილის სათაურს წაიკითხავენ. საქმე ისაა, რომ აქ იგულისხმება არა საერთოდ ხევი, ე. ი. დედამიწის ზედაპირის ისეთი ჩაღრმავებული ადგილი, რომელიც წყლის მიერაა გათხრილი. ჩვენ ვგულისხმობთ „ხევის“ სახელწოდებით საქართველოს ერთერთ მთიან კუთხეს, რომელიც მართლაც უზარმაზარ ხევს წარმოადგენს.

საქართველოს ამ შესანიშნავი კუთხის სანახავად ავტომობილით მოგვიხდება გამგზავრება ტფილისიდან ჩრდილოეთის მიმართულებით. ავტომობილი გაგვაქროლებს ვანიერსა და ღორღით მოფენილ გზაზე, რომელსაც „საქართველოს გზატკეცილი“ ეწოდება. ჩვენ ვავივლით საბურთალოს, მცხეთას, ნატახტარს, გავუქროლებთ ბახალეთის ტბასა და დუშეთს, შემდეგ გადავალთ ანანაურში და გავყვებით მდინარე არაგვის ნაპირებს. ფასანაურის იქით შეგვხვდება მთიულეების სოფელი მლეთი, აქედან ავტომობილი ნელ-ნელა შეუდგება გუდაურის აღმართს, გუდაურიდან კი ავა ჯვარის უღელტეხილზე, რომელიც კავკასიონის მთაგარე ქედზე მდებარეობს.

რაკი ჯვარის უღელტეხილზე ავალოთ, მერე ჩვენ ავტომობილს სიარული აღარ გაუძნელდება, ვინაიდან აქ აღმართი თავდება და დაღმართი იწყება. აი, აქ უკვე ხევში ვართ.

ხევი, რომლის ძირზეც მიექანება ამღვრეული თერგი, ყოველი მხრიდან მაღალი მთებითაა გარემოცული. ამ მთებს შორის ყველაზე უფრო მაღალი მყინვარწვერია, რომელიც ზღვის დონესთან შედარებით 5043 მეტრითაა მაღლა ამართული. მყინვარწვერიც და ზოგიერთი მისი შეზობელი მთებიც ზამთარ-ზაფხულ თოვლითა და ყინულითაა დაფარული. მაღლიდან ჩამოშვებულია ყინვარები, რომლებიც შეუმჩნევლად მო-

ცოცავენ ხეობებში, დაბლა დნებიან და გიჟმაე მდინარეებს აჩენენ.

თოვლი და ყინვარები ძალიან მაღლაა, ასე რომ 3000 მეტრის ქვევით თითქმის არა გვხვდება ზაფხულობით. კლდეებისა და თოვლ-ყინულის ქვევით ჩამოფენილან ბალახოვანი მინდვრები, ამ მინდვრებზე აძოვებენ თავის საქონელს მოხევეები.

თითქმის ყველა იცნობს მოხევეების წინანდელ ყოფაცხოვრებასა და ზნე-ჩვეულებებს ალექსანდრე ყაზბეგის ნაწერების მიხედვით, მაგრამ ბევრს, აღბათ, საკუთარი თვალით არ უნახავს ახალი ხევი, რომელიც ძალიან განსხვავდება თვითმპყრობელური ხელისუფლების დროს არსებული ხევისაგან.

წინათ საქართველოს გზატკეცილი სამხედრო გზას წარმოადგენდა, რომლის საშუალებითაც მეფის მთავრობამ უღელი დაადგა ამ გზის მახლობლად შობინადრე მთიელებს: ოსებს, ქისტებს, მოხევეებს, ხევსურებს, მთიულებს და სხვ. ოქტომბრის რევოლუციის შემდეგ იმავე გზით შედის კავკასიონის ხეობებში სწავლა-განათლება, მრეწველობა და სამეურნეო განვითარებისათვის საჭირო მანქანა-იარაღები.

ხევში უკვე დაარსდა კოლმეურნეობები. თუ წინათ მოხევეები მესაქონლეობასა და მიწათმოქმედებას პირველყოფილი წესებით ეწეოდნენ, ამჟამად მეურნეობის ეს ორივე დარგი გაუმჯობესებას განიცდის. ცხვრის ვარდა მრავლდება ძროხაც. სოფ. სიონში დაარსებულია ერო-ყველის ქარხანა და მესაქონლეობის საბჭოთა მეურნეობა, რომელიც აწარმოებს ცდებს ხევსურული ჯიშის ძროხების გაუმჯობესებული მოდგმის შესაქმნელად. მსხვილი საქონლისათვის ინახება საზამთრო საკვები და სილოსდება.

ვითარდება ხევის მრეწველობაც. სოფ. ყაზბეგის მახლობლად უკვე წამოიჭრა მოზრდილი ქალაქი „ანდესიტი“.

ანდესიტი განსაკუთრებული კლდის ქანია, რომელიც გაცივებულ ვულკანურ წიაღვარს წარმოადგენს. ანდესიტი აღჭურვილია შესანიშნავი თვისებებით: იგი უძლებს ცეცხლისა და

სიმეფეების მოქმედებას და ამიტომ ქიმიურ მრე-  
წველობას უზარმაზარ სამსახურს უწევს. ანდე-  
ზიტისაგან კეთდება ღუმელები და ქიმიური ჭურ-  
ქლები, აგრეთვე წისქვილის ქვებიც. ყაზბეგის  
ანდეზიტს ავტომობილებით მიეზიდებიან ორ-  
ჯონიკიძის ქალაქში, საიდანაც იგი რკინისგზით  
იგზავნება საბჭოთა კავშირის სამრეწველო ცენ-  
ტრებში. ანდეზიტის წარმოებაში 3000-ზე მეტი  
მუშაა ჩამულო.

ხევში უკვე აენთა „ილიჩის ლამბა“: მყინვარ-  
წვერიდან ჩამოძვალ მდინარე ჩხერზე აგებულია  
ჰიდროელექტროსადგური, რომელიც უზრუნ-  
ველყოფს სოფ. ყაზბეგს იაფი სინათლით.

ხევის დიდრონ სოფლებში გახსნილია სკო-  
ლები და საექიმო პუნქტები, სოფ. ყაზბეგში  
გამოდის ადგილობრივი (რაიონული) გაზეთი,  
ყაზბეგშივე უახლოვეს მომავალში მოეწყობა ალექ-  
სანდრე ყაზბეგის სახელობის მუზეუმი, რომელ-  
შიც თავმოყრილი იქნება უმდიდრესი მასალა  
მთიელების ყოფა-ცხოვრებიდან.

საქართველოს გზატკეცილისა და კერძოდ ხე-  
ვის დიადი ბუნება აუარებელ მოგზაურს იზი-  
დავს, რომლებიც ყოველ ზაფხულს ათასობით  
ეწვევიან ხოლმე ყაზბეგის არემარეებს.

მოგზაურთა უმრავლესობა დაინტერესებულია  
მარადული თოვლისა და ყინვარების გაცნობით.  
ამიტომაც ყაზბეგის ტურისტულ ბაზას განსა-  
კუთრებული თანამშრომლები ჰყავს, რომლებ-

საც მიჰყავთ ექსკურსიები ორწვერის ყინვარზე  
და ახსნა-განმარტებებს აძლევენ ტურისტებს  
გზად შემხვედრი ბუნების მოვლენების შესახებ.

ორწვერის ყინვარისკენ მიდის ბილიკი, რომელიც  
გაივლის სოფელ გერგეტს, შემოუვლის მთაზე  
წარმოდგმულ „წმინდა სამების“ ტაძარს და ადის  
საუცხოვო ბალახოვან ფერდობებზე, რომელთაც  
„ალპიური მინდვრები“ ეწოდება. აქედან მოგზაურის  
თვალწინ გადაშლილია მთელი თერგის ხეობა,  
კლდიანი ყურის მთა, ხევსურეთის მთები და სხ.  
მიადწვევენ რა ორწვერის ყინვარს, ტურისტები  
ათვალიერებენ ღრმა ნაპრალებს, ჩანჩქერს,  
მყინვარწვერს და ყაზბეგში ბრუნდებიან.

ბევრია ისეთი ტურისტიც, რომლებიც არა  
კმაყოფილებიან ყინვარის ნახვით, არამედ ყი-  
ნულზე კარვებში ღამეს ათევენ და ადიან სულ  
მალა ყინვარების ქალარა თხემებზე. ასეთ ტუ-  
რისტებს მთასვლელებს უწოდებენ.

რა თქმა უნდა, მყინვარწვერზე ასვლა არა-  
ვისათვისაა სავალდებულო, მაგრამ, ყოველ შემ-  
თხვევაში, ვისაც ბუნებისმეტყველება აინტერე-  
სებს, მან უთუოდ უნდა ნახოს საკუთარი თვა-  
ლით მარადული თოვლი, ყინვარი და ყვავილე-  
ბით მოქარგული ალპური მინდვრები. ეს ძალი-  
ან ადვილი საქმეა და უხიფათო, რაც სწორედ  
ხევშია უფრო ხელმისაწვდომი, სადაც ავტომო-  
ბილიც კი მიდის.

## II. ზარალიზმილი

# ს ო ს უ ე ჯ ი ბ რ ე ბ ა

რომ თავიდან მოვიცილო  
სიზარმაცე ძნელი,  
გუმინ, დედავ, სოცშეჯიბრზე  
მოვაწერე ხელი.

სამუდამოდ დავეთხოვე  
უსაქმურად გავლას,  
დღეს ბეჯითად შევუდექი  
შრომასა და სწავლას.

არ გავაცდენ გაკვეთილებს,  
კოლექტივშიც ვივლი,  
არ შეგარცხვენს, ჩემო დედავ,  
დამკვრელ მუშის შვილი.

არცერთ საათს არ დავკარგავ  
უშრომლად და მუქთად,  
აქ მოვაწყობ წითელ კუთხეს,  
აქ ვისწავლი მუდამ.

დილით ადრე წამოდგება,  
პირს დაიბანს ცივი წყალით,  
ერთხელ კიდევ გადახედავს  
გაკვეთილებს თხიზელ თვალით.

დედას უკვირს: „ჩემი ზაქრო,  
რა ვქნა, როგორ შეიცვალა,  
ვენაცვალე ჩემ ბიჭუნას,  
შეუყვარდა მეტად სწავლა!“

„ნახეთ, ნახეთ, მალე ზაქრო  
აქ პირველებს დაეწევა“ —  
მასწავლებელს არ გამოორჩა  
მისი კარგი ყოფაქცევა.

აი, ერთ დღეს შეამოწმეს  
სოცშეჯიბრის პირობები,  
გასინჯეს და გადმოსინჯეს  
მათ დღიური აღრიცხვები.

ზაქროსა ჰხვდა გამარჯვება,  
შეასრულა მან პირობა,  
და შესძახეს ზაქროს ვაშა,  
ულოცავდნენ მას გამირობას.

მისი გვარი წითელ დაფას  
წააწერეს სიხარულით,  
და ბავშვებმა ზაქრო მალლა  
შეისროლეს ჟრიამულით.

შინ მოვიდა მხიარულად,  
დელას ყელზე მოეხვია:  
— დედა ჩემო, გავიმარჯვე,  
ვერაინ ვერ დამეწია!

დედამ ზაქრო გადაკოცნა,  
მიულოცა მან შეილს ტკბილად,  
ამაყობდა, რომ დღეს ზაქრო  
გახდა ნამდვილ სწავლის გამირად.

არსო ოცნელი

მინდვრად

ლამით წვიმა მოვიდა, ჟუჟუნა წვიმა.  
ფანდურივით მღეროდა სახურავზე. გაღმა კი  
ხეები აედიდებია და ლამის მყუდროებას განუ-  
წყვეტელი გუგუნით არღვევდა. ბალ-ბოსტნები  
და ხოდაბუნები, გაზაფხულის ნაადრევი მზით  
რომ იყო გაღამხმარი, ხარბად ეწაფებოდა ნამსა  
და სიგრილეს.



როცა გათენდა, მზემ გადმოანათა მთის კონ-  
ცხებზე. ქვეყანა მტრედისფერ ლაქვარდში გაახ-  
ვია. სოფელი ფეხზე წამოდგა დასვენებული მუხ-  
ლითა და მკლავებით. მხესავით ნათელი აზრი  
და გონება ამოძრავდა შრომის ფერხულში ჩა-  
საბმელად.


იორთქლებმა მიწა ნაწვიმარი. აღმური ასდის  
ხოდაბუნებს, მინდვრებსა და ველებს. მხვენელ-მთე-  
სველებს უხმობს მიწა ბარაქიანი.

გადაქიმულა თვალუწვდენელი მინდვრები, დი-  
ლის ნისლეებით ოდნავ დაფარული, ჯერ კიდევ  
ჩუმი და უხმაურო, ტრაქტორებისა და ბრიგა-  
დების მომლოდინე.

აჰა, შეუღლა სოფელმა პირველი გუთნეული.  
ლამაზ ქარაენად გამწკრივდა შარაზე და გა-  
ემართა მინდვრისკენ. მხიარული ოროველა ავარ-  
და გაზაფხულით გაბრწყინებულ ჰაერში, ააზან-  
ზარა ირგვლივ მიდამო ნამძინარევი, და მზის  
აჩქარებული სხივებივით გაიშალა მინდვრებზე  
ხალისი და ენერგია.

სამანქანო-სატრაქტორო სადგურიდან ტრა-  
ქტორები დაიძრა ხენემა-გუგუნით, მძიმე ბორგ-  
ვით და შიშინით. დღეს, ამ მშვენიერი გაზაფ-  
ხულის დღეს, მიპატიებელი არის რკინის სტუმ-  
რები სახნავად კოლმეურნეობაში.

მზემ ამოიმალლა. ჩამოცხა კიდევ. გუგუნებენ  
ტრაქტორები კოლმეურნეობის მინდვრებზე,



გუთნეულს მისდევდა გუთნეული, და შავი ხნულებით იფარებოდა ნახამთრი მიწა.

2

აგრონომიული პუნქტი. ახალგაზრდა აგრონომი სამუშაო ხალათით დატრიალობს კოლმეურნეთა შორის. უამრავი თესლეული ტომრებით: ხორბალი, სიმინდი, ქერი, სოია, კენდირი, რამი, თამბაქო; ათასნაირი ხეხილისა და ბოსტნეულის სანერგეები; კოლმეურნე ქალები ჯგუფ-ჯგუფად შეკრებილან და გამალებით არჩევენ თესლს.

ბრუნავს ტრიერი. იცლება და კვლავ ივსება ტომრები დარჩეული საღი თესლით. აგრონომი კი დგას კოლმეურნეთა შორის და უხსნის თესლის შერჩევისა და მოსავლიანობის გადიდების პირობებს, ნიადაგის განოყიერებას, თესლის აღმოცენებას, მინდვრის მავნებლებთან ბრძოლას, გასაგები და პოპულარული ენით უმარტავს მათ ყოველგვარ აგრონომიულ ღონისძიებებს, წრევანდელი ბოლშევიკური გაზაფხულის განსაკუთრებულ მნიშვნელობას.

პუნქტის შენობასთან ურმებია ჩამომდგარი. იტვირთება გადარჩეული და გადაწმენდილი თესლეულით და იგზავნება ყანებისკენ. გულმკერდ-გახსნილი ელიან ნახნავებში თესლს საღს და რჩეულს.

დარაზმული ღვანან სათესი მანქანები და ელიან ამოძრავებას. აი დაიძრენ კიდევ შუკრივად, იმარცვლება თესლი გაპოხიერებულ წიადაგში; სიყვარულით იხვევს ნოყიერი მიწა თავის კალთაში, რომ სიმწვანითა და სიცოცხლით, გასაკეცებული მოსავლით დაუბრუნოს უკანვე ცხოველყოფელ მზეს და საბჭოთა ქვეყანას.

3

შუადღე ჩამოდგა.

გაზაფხულის მზე ავარვარებულ ქურასავით ადგია მინდორს. ლაპლაპებს ჰაერი, სიცხით შეხუთული. იალაღებიდან საქონელი დაეშვა მდინარეზე ლალი თამაშითა და ხტუნვით.

ტრაქტორებით ამდგარი ბული და გუგუნნი შენეღდა, ჩადგა. ტრაქტორისტებმა ტრაქტორები დააყენეს, დაასუფთავეს, მოამარაგეს საწვავი მასალით, წყლით. მუშა პირუტყვი უღლიდან აუშვეს და საკვები მისცეს.

კოლმეურნეები ერთი დიდი ხის ქვეშ შეიკრიბნენ სასაუზმოდ. იქვე წყაროზე ყველამ ხელპირი დაიბანა.


მახლობელი სკოლიდან პიონერთა რაზმი გამოემართა ბარაბანითა და სიმღერით. მოდის ბოლშევიკური თაობა, მოდის მკვირცხლი ნაბიჯით, შეუნელებელი ხალისით.

— სალამი ბოლშევიკური გაზაფხულის გმირებს! — გაისმა პიონერების ხმა. პიონერთა რაზმის ხელმძღვანელმა ახალ-ახალი ჟურნალ-გაზეთები ჩამოარიგა ბრიგადებს შორის. გაიმართა ხმამაღალი კითხვა და გულმოდგინე ყურთასმენა. კოლმეურნეობის კომკავშირისა და პიონერორგანიზაციის წარმომადგენლებმა ფართოდ განუმარტეს კოლმეურნეებს წრეწარდელი საგაზაფხულო თესლის კამპანიის მნიშვნელობა.

კიდევ რამდენიმე წუთი — და მინდორში კვლავ

გაიშალა შრომა და ენთუზიაზმი. დასვენებული მკლავები კვლავ აგუგუნებდა ტრაქტორებს და ხალისიანად მიჰყვებოდა გუთნეულს. უფრო მეტი მუყაითობით იბრძოდნენ მინდვრის გმირები დავალებული გეგმის გადაჭარბებით შესრულებისთვის.

იხიბლებოდა თვალი ულამაზესი სანახაობით. შრომისა და ბრძოლის სიმღერა ირგვლივ მიდამოს ახანზარებდა. თითოეული კოლმეურნის ჯანში უზომო ხალისი და ენერჯია იდგა.



## ლექსიონი ხშირია

(IV-ჯგ. მოწ.)

# პიონერი სტეფანე

1.

გაზაფხულის მთვარიანი ღამე იყო. მოკაშკაშე ვარსკვლავები უთვალავ მარგალიტებივით გაბნეულიყვნენ ცაზე.

ნიაფიც არ ქრდა, თითქოს სურდა არ დაერღვია ბუნების ტკბილი ძილი და მყუდროება.

მთვარე ცივი ღიმილით დასცქეროდა ღრმა ძილში წასულ სოფელს. ისვენებდნენ შრომით მოღლილი მკლავები, რომ დილით ახალი ენერჯიით სავსე შესდგამოდნენ შრომას.

ყველას ეძინა, მაგრამ... ვილაც მაინც ფხიზლობდა. ეს იყო კულაკი კოწია. მისი სახლი პატარა ბეჭობზე იდგა, საიდანაც ხელისგულივით მოჩანდა მწირი, უნაყოფო სოფელი. კოწია ხშირად დაფიქრებული გასცქეროდა იმ პატარ-პატარა ყანებს, რომლებიც ამ სოფლის მშრომელ გლეხკაცობას ეკუთვნოდა.

კოწია ბედს უჩიოდა, რადგან უშვილო იყო. ხშირად ცოლთანაც ჰქონდა შეხლა-შემოხლა უშვილობის გამო.

ახლაც, ამ ზღაპრული მშვენიერებით სავსე ღამეში, კოწია გაცხარებული დადიოდა აივანზე წინ და უკან, თან თავისთვის ბურტყუნებდა გაუგებარ სიტყვებს. ის ხშირად შედგებოდა და გადაჰხედავდა მიძინებულ სოფელს. ყველას მშვიდად ეძინა, მხოლოდ გონებააფორიაქებული კოწია ვერ ისვენებდა.

ბოლოს განათებულ ოთახში შევიდა, სადაც მისი მეუღლე ეფროსინე ხელსაქმობდა. კოწიამ ამოიოხრა და საწოლ ოთახში გავიდა.

ის იყო უნდა მიწოლილიყო ტახტზე, რომ უცებ გველნაკბენივით წამოხტა და ხმამაღლა დაიყვირა:

— შენი ბრალია, შენი!

თვლები გიჟივით გადაატრიალა და გაშეშდა. ეფროსინე შეკრთა.

მას ეგონა, რომ მისმა ქმარმა უშვილობის მიზეზით წამოიყვირა ასეთი სიტყვები, ამიტომ ჩუმად ჩაილაპარაკა:

— რა ჩემი ბრალია, კაცო, მკითხავთანაც ვიყავი და ხატზე ვილოცე, მაგრამ არაფერი გამოვიდა...

მაგრამ კოწია სულ სხვა რამეზე ფიქრობდა. შემდეგ ასწია თავი და ერთხელ კიდევ დაიღრიალა:

— ვის უნდა დავეუტოვო ამდენი ქონება, ვის? დათიკა რომ არის, ღარიბაშვილი, იმაზე ფიქრი არ მაძლევს მოსვენებას. აამხედრა გლეხები და უჩიჩინებს: კოწიას თავს ნუ დააჩავრინებთ, მავას მალე მოვუღებთ ბოლოსო! — დაამთავრა სიტყვა აღელვებულმა კოწიამ.

2.

მთვარე ჩადიოდა, და ვარსკვლავებიც ქრებოდნენ. სოფელი იღვიძებდა, ძაღლები უჩვეულოდ ყეფდნენ. ფრინველები ნაზი ქიკქიკ-გალობით ეგებებოდნენ განთიადს.

აღმოსავლეთი ცეცხლივით აელვარდა და არემარეს ბრწყინვალე მზის ოქროსფერი ცხოველი სხივები მოჰფინა. ბალახებში ნამი აბრწყინდა.

ყველა სამუშაოსკენ მიიჩქარის. პირველად სოფლიდან ნახირი გავიდა ბლავილით, რომელსაც მხიარულის ჟივილით მხარზე კომბალგადადებული ბავშვები მისდევდნ.

3.

დათია ღარიბაშვილი, რომელსაც ბრაზით იხსენიებდა კოწია, ღარიბი გლეხი იყო. იგი პატარობიდანვე დიდ ტანჯვა-წვალებას განიცდიდა.

ახალგაზრდა, ჯან-ღონით სავსე დათიას მშობლების სიკვდილის შემდეგ მხოლოდ ქოხი ღარიბა, რომელშიც ქარი და ყინვა თავისუფლად დათარეშობდა, მაგრამ დათია არ შეშინდა და ბრვე კუნთები სამუშაოს დაატაკა. გავიდა ხანი. დათიამ მასავით ღარიბი გლეხის ქალიშვილი შეირთო და ოჯახის მოწყობას შეუდგა. მელანო თავის ქმარავით შრომისმოყვარე იყო და საყვარელ სტეფანეს სასოებით ზრდიდა. პატარა სტეფანე, დათიას შვილი, რომელიც უკვე წლის გახდა, ჭკვიანია, უყვარს ხუმრობა და მამასავით ენამოსწრებული სიტყვები. დათია საბჭოთა ხე-

ლისუფლებსათვის მებრძოლთ მიემხრო, ფართული ორგანიზაციის წევრი გახდა და აგიტაციას ეწეოდა.

შვილიც მამის აზრებით იყო გატაცებული, თუმცა არ იცოდა, რას ნიშნავდა სიტყვა „რევოლუცია“ და სხვა ასეთები, რომლებსაც მამამისი ხშირად ხმარობდა. ეს იყო ის ხანა, როდესაც ქალაქად მუშები იფიცებოდნ, აჯანყებებს აწყობდნ და სოფლადაც ფაფარაყრილი გლეხობა ემუქრებოდა იმას, ვინც წინ აღუდგებოდა. აი როგორი ხალხის წარმომადგენელი იყო დათია ღარიბაშვილი.

4.

დათიამ თოხი მხარზე გაიღო და სამუშაოდ გაემურა ყანაში, სტეფანე კი დიდი ხანი იყო რაც სოფლის გოგო-ბიჭებს გაჰყოლოდა მინდვრად. დათიას ხეივანი ჰქონდა გასავლელი. ბავშვებს საქონელი ამ ხეივნის იქით გაერეკათ, და პატარა სტეფანეც იქ იყო.

დათია ფიქრებში იყო გართული, როცა ხეივანს მიუახლოვდა. მან ლილინი დაიწყო. ის





იყო უნდა შესულიყო ხეივანში, რომ მას პირ-  
ახვეული კაცი გადაეღობა, ხანჯალი იშიშვლა  
და ზარდამცემი ხმით შესძახა: „ფეხი არ გადა-  
დგა!“ დათია არ დაიბნა, თოხი ასწია, მაგრამ  
აღარ დასცალდა... უცნობმა, რომელიც ისე ვე-  
რაგულად დაუხვდა გზაში, ხანჯალი ტარამდის  
უმარჯვა. დათიას თოხი ხელიდან გაუვარდა და  
უცნობს მხარში მოხვდა.

იგი ტკივილებისაგან დაიღმეჭა და ხეივანს

მისცა თავი, დათია კი უსულოდ დაეცა, ნამია-  
ნი ბალახი სისხლით შეიღება.

5.

გავიდა ხანი.

კულაკებმა ღირსეული პასუხი მიიღეს, სოფლად  
ფართოდ გაიშალა საკოლმეურნეო მოძრაობა.

სტეფანე ახლა კოლექტივის წევრია და აქ-  
ტიურ მუშაკად ითვლება.

## კატარა უეფი

კოლექტივის კარგო ნიშა,  
იყავ კარგი ფური  
და გაავსე თბილ ჯიქნებით  
ავსებული ცური.  
მე ვარ ცელქი ოქტომბრელი  
და მითრთოლავს გული,  
არტელს, ნიშავ, გაუწიე  
მეტი სამსახური.  
როს საღამოს ლურჯი ნისლი

გაღმოწვება მთებზე,  
მაშინ, კარგო, გავიყენებ  
მთიან საძოვრებზე.  
მზემ ველებზე სხივი სტყორცნა,  
აფერადდა ქვიშა,  
კოლექტივის საძოვრებზე  
მივალთ მე და ნიშა.

ავთანდილ კაშმაძე.



# ღამყებ მწერალთა საყურადღებოდ

დიდი სიფრთხილით ეკიდება რედაქცია ყოველი ახალი ნაწარმოების დაბეჭდვას. დიდი სიფრთხილით ეკიდება რედაქცია ახალი ძალის გამოყვანას სამწერლო ასპარეზზე. მათი ნაწარმოების უმეტესობას რედაქცია ვერ ბეჭდავს, არა იმიტომ, რომ ამით შეანელოს ახალი ძალის ლტოლვა მწერლობისაკენ, არამედ მხოლოდ და მხოლოდ იმიტომ, რომ ხელი შეუწყოს მის ჩამოყალიბებას, მის აღზრდას ამ დიადი საქმისათვის, და თქვენ, ალბათ, ძალიან კარგად მოგეხსენებათ, თუ რაოდენ დიდი მუშაობა სჭირდება დამწყებს იმისთვის, რომ შეძლოს ამ ფრონტზე გამოსვლა და ნაყოფიერი შემოქმედებითი მუშაობა. გარდა ამისა, თვით რედაქციის და ჟურნალის ინტერესი მოითხოვს, რომ მკითხველს მისცეს მაღალი თვისების მასალა, რის კათეგორიაშიც ყველაფერი ვერ ხვდება, რასაც მოაწოდებს მას ყველა ახლადმწყები ახლოგაზრდა. ამიტომაც, ვიმეორებთ, რედაქცია დიდი სიფრთხილით ეკიდება ახლოგაზრდა ძალის გამოყვანას.

ყველასთვის ნათელია და აშკარა, რომ ამ ბოლო ხანებში მრავალი ახლოგაზრდა შეემატა ჩვენ საბავშვო-საყმაწვილო ლიტერატურას, ამით შეგვიძლია ვიამაყოთ. ყოველმხრივ შევუწყეთ ხელი ამ საქმის ერთუზიანობას, მივეციით კონკრეტული მითითებანი ყველას, ვისაც ჰქონდა რედაქციაში მოსვლის საშუალება, და წერილობით ვხელმძღვანელობდით პროვინციელ ამხანაგებს. ეს ერთერთი უებარი წამალია აღზრდისათვის და, რაც მთავარია, მრავალი წავახალისეთ დაბეჭდვით.

მაგრამ აქ უკვე სხვა მოვლენა იჩენს თავს: ხშირია შემთხვევა, რომ ის ახლოგაზრდები, რომლების ნაწერები, წახალისების მიზნით, არა ერთხელ დაბეჭდა რედაქციამ თავისი ჟურნალის ფურცლებზე, უკვე ჩამოყალიბებული მწერლის პოზას იჭერენ და ნაკლებად მუშაობენ თავის თავზე. ერთი ხელის მოსმით წერენ ლექსებს, მოთხრობებს, ყურადღებას არ აქცევენ შინაარსსა და ფორმას, ზერელედ ეკიდებიან სტრიქონებს, რითმებს და სხვ. უკვე თავის დამცირებად მიაჩნიათ პატარა ლექსების წერა, და თუმცა ზარი პატარაა, ლექსს ვეებერთელას გამოიყვანენ აქედან. განა ნათელი არ არის, რომ ეს პირ-

უკუ უნდა ხდებოდეს? განა აშკარა არ არის, რომ პატარა (ფორმით) ნაწარმოებიდან უნდა გამოდიოდეს დიდი აზრი, და არა დიდი ნაწარმოებიდან პატარა აზრი? ეს არის მწერლობის ანაბანა. ვინც ეს ელემენტარული ამბავი არ იცის, იგი მწერლის სახელზე ნუ ფიქრობს. აზრების მოკლედ და სხარტად გადმოცემის გარეშე მხატვრული მწერლობა ის არაა, რაც უნდა იყოს, და ზოგიერთნი, ვინც ამაყობს იმით, რომ მან დაწერა დიდი ლექსი ან მოთხრობა, ამით თავის უდიდეს ნაკლს აღნიშნავს, რაც, საუბედუროდ, შეგნებული არა აქვს. უნდა ვეცადოთ რაც შეიძლება მოკლედ, ნათლად და შინაარსიანად ვწეროთ. ეს არც იოლი საქმეა, ძნელია, მაგრამ სიძნელეები მწერლის გზაზე არც ი.უ ისე უცხო ხილია, სიძნელე ბევრია, ხოლო ზემომხსენებული სიძნელის დაძლევისათვის ბრძოლა დაწყებისათანავე უნდა დაიწყოს მწერალმა.

ამ წერილის მიზანია ილაპარაკოს იმ მოვლენებზე, რაიც შესამჩნევი გახდა ჩვენში ახლადმწყებთა პრაქტიკაში. ვიმეორებთ, ზოგი ახლადმწყები დაიხედა არა ერთხელ თუ ორჯერ, წახალისების მიზნით, ის კი უკვე თავს დასრულებულად გრძობს, ფიქრობს და იწმუნდება იმაში, რომ მწერლობა, თურმე, ის ყოფილა, რასაც მან მიაღწია, რომ მეტი მუშაობა თავის თავზე საჭირო აღარ არის, და წერს ისე, როგორც პირველად დაიბეჭდა. არავითარი განვითარება მას არ ეტყობა, საქმეს ზერელედ და უსულგულოდ ეკიდება. ამას ვუწოდებთ ჩვენ ხალტურას. ამგვარ ახლადმწყებიდან მწერალი ვერ გამოვა, და თუ აღარ აქვს სურვილი იმუშაოს თავზე, სჯობს სრულიად დაანებოს წერას თავი. ჩვენ სანიმუშოდ მოგვყავს ამხ. ავთანდილ კაშმაძის ლექსი. ამხ. კაშმაძის ლექსები არა ერთხელ გინახავთ ჩვენი ჟურნალის ფურცლებზე. იგი წერს, და უნდა აღინიშნოს — ზოგჯერ გამართულ ლექსებსაც წერს. ჩვენ აქ იმის ილუსტრაციად, რაზეც ზემოთ ვლაპარაკობდით, შეგვიძლო სხვა ახლოგაზრდა ავტორის ნაწარმოები მოგვეყვანა, მაგრამ კაშმაძის ლექსი იმიტომ მოვიყვანეთ, რომ მისი ავტორი უფრო თვალსაჩინო ტიპია ზემოხსენებული აზრის ნათელსაყოფად, სხვა ახლადმწყებზე უფ-

რო ხშირად იბეჭდებოდა ჩვენ ჟურნალში, და მკითხველებს საშუალება ჰქონდა გასცნობოდნენ მის ნაწარმოებს. ზემოთ მოყვანილი ლექსი ერთის თვალის გადავლებით აითქოს გამართული ლექსის შთაბეჭდილებას ტოვებს: არის რითმაც, რიტმიც, „ერთი მთლიანი აზრი“ და სხ. მაგრამ საკმარისია დინჯად წაიკითხოთ იგი, რომ ნათელი გახდეს ავტორის დაუდევრობა და ზოგჯერ არცოდნაც.

აიღეთ კუბლეტი:

კოლექტივის კარგო ნიშა,  
იყავ კარგი ფური  
და გაავსე თბილ ჯიქნებით  
ავსებული ცური.

ავტორი სთხოვს კარგ ნიშას, იყოს კარგი. ამის თხოვნა, როგორც ჩანს, ნიშანთვის საჭირო არ ყოფილა, რადგანაც იგი ისედაც კარგიაო, — ამბობს ავტორი. ავტორი სთხოვს ნიშას გაავსოს თბილი ჯიქნებით ავსებული ცური. დააკვირდით, ამ ორ სტრიქონში რამდენი შეცდომაა! ჯერ ერთი: ავსებულს რაღა ავსება სჭირდება? ამგვარი კანონი არ არსებობს ფიზიკაში, და მერე ისიც ავსებული ცური უნდა აავსოს ნიშამ თბილი ჯიქნებით. შეიძლება ასე? თვითონ მკითხველმა იფიქროს, რამდენად მოფიქრებულია ეს სტრიქონები. ავსებული ცური თბილ ჯიქნებით ვერ აივსება! ძროხას აქვს ერთი ცური, ანუ ჯიქანი. საკმარისი იყო ცოტაოდენი დაფიქრება, რომ ეს ამბავი ნათელი ყოფილიყო, თუ იცოდა ავტორმა ცურისა და ჯიქნის რაობა, მაგრამ ამას დაფიქრება უნდა, დაფიქრება კი დროს მოითხოვს, რასაც ასე ძალიან „უფრთხილდებიან“ ზოგიერთი ჩვენი ახლად დამწყებნი. ამგვარია მოფრთხილება დროისა

მაგნებელია და საზიანო. დაფიქრება განუწყობელი უნდა იყოს დამწყებისთვის, თუ სურს ასეთი სავალალო და სამარცხვინო შეცდომა დაუშვას.

შემდეგ:

„როს სალამოს ლურჯი ნისლი  
გადმოწვება მთებზე,  
მაშინ, კარგო, გაგიყენებ  
მთიან საძოვრებზე.“


ძროხას სალამოთი ყველა ქვეყანი მენახირე უინისავენ გაუყენებს, და არა მთიან საძოვრებზე. ეს დილით ხდება, და ამგვარი უბრალო რამ უნდა იცოდეს ყველამ, ვინცამ ამბავზე წერს.

„შენმ ველებზე სხივი ტყორცნა,  
აფერადდა ქვიშა,  
კოლექტივის საძოვრებზე  
მივალთ მე და ნიშა“.

ველები საძოვრები იმიტომია, რომ ზედ ქვიშა კი არაა, არამედ ბალახი. ქვიშაზე ძროხები ვერაფერს მოძოვენ, მაგრამ „ნიშა“-მ მოითხოვარითმა, და ჩვენმა უდარდელმა ავტორმაც უცბად მოუნახა „ქვიშა“. რითმებისთვის კი არ უნდა ვეძებოთ აზრი, არამედ აზრისათვის რითმა, — ეს უნდა ვიცოდეთ, თორემ რითმას შეუძლია ბევრი რამ გვათქმევინოს, რაც არაა სასურველი.

აი რამდენი შეცდომაა ამ პატარა ლექსში.

აქ რომ აღგილი იყოს, შეგვეძლო მრავალი ახლადდამწყების ლექსი მოგვეყვანა ამგვარი კურობებით. უმჯობესია ნუ მოგვეცემენ შემდეგ მაინც ამგვარი წერილის დაწერის საბაბს, თორემ რედაქციას არც ეს გაუჭირდება.



სარედაქციო კოლმეზია: ა. გველესიანი, აკ. რეხვიაშვილი (პ/მ. რედაქტორი), ა. ჭანკიევი, ლავრ. ჭიჭინაძე (პ/მ. მდივანი), შ. თაბუკაშვილი, შ. სიხარულიძე, ბორის ჩხეიძე და მ. თომაძე.


# რ ე ზ უ ს ი



ბა

პოუხაბნასი  
აბო?

უაბათვა



ზ



მაბა აწარისტანნი -  
- თხალეთის  
საზღვარზე

თუს

ნათესაობითი  
ბაუბრის  
ბითხვა

ა



ბ



გ

დ!

# შ ა რ ა ლ ა

მცირე შარადა გიძღვენით,  
ერთი სიტყვისგან შემდგარი;  
სამი მარცვალი გვექირდება, —  
ვგონებ, არა ვარ შემცდარი.

პირველი ასო — ანბანის  
მეთვრამეტედა წერია  
(ვერ გამოიცნოს მკითხველმა,  
აბა, რა დასაჯერია!)

მეორე — სიტყვა იქნება,  
მტკიცე საგნისა სახელი,  
კვესთან ხმარობდენ ძველად,  
იქნებ თქვენც იყოთ მნახველი.

უკულტურობის იქნება  
იგი ღღეს გამომსახველი;  
ქარხნის ასანთმა შეცვალა —  
იდიდოს მუშის სახელი!

მესამე — სხეულს გვიფარავს,  
მგრძნობიარე და თხელია,  
პურსაც აქვს, ხილსაც და ხესაც —  
მუნობის დროს გასაჭრელია.

პირველ ნახევარს მოვაცლით,  
არ არის გასაჭირია,  
მისი მეორე მარცვალი  
შარადის ბოლოს გვექირია,

რომ შევეფრთოთ სამივე, —  
ჩვენი შარადაც ეგ არი,  
მეზობელ ერის ენაზე —  
ლითონი მტკიცე, მედგარი.

გმირი — ბელადობს მებრძოლთა,  
თუმცა არ არის მხედარი;  
მშრომელთა ბედის მესაქე,  
ჩაგრულობა კლასის მზედ არი.

მსოფლიო რევოლუციის  
მეზაირახტრეც ეგ არი, —  
სალი-კლდე შეუღრეკელი,  
გენია — მზეებრ მგზნებარი!

ორმოცდაათ წელს გასცილდა,  
მაგრამ ჯერ ისევ მხნედ არი;  
მისდამი ბრაზით მტარვალნი  
ყალყზე არიან შემდგარი!

მუშებს უღრენენ შორიდან  
კოფიან დორბლის ღენითა,  
შემუსვრას ემუქრებიან,  
ბებერ კბილების ღრქენითა.

მრავალი ცილიც დასწამეს  
შხამ-გესლიანი ენითა, —  
არას აკლებდენ ბრძენთა — ბრძენს  
უგნურნი ყეფა-ღრენითა!

ფასი 75 კპ.

საგარეო ურთიერთობების მ. კ. ო. ცენტრალური  
ბიუროს და განათლების სახელმწიფო კომ-  
ისიონის შურნალი გამომცემლობის

საგარეო ურთიერთობების მ. კ. ო. ცენტრალური  
ბიუროს და განათლების სახელმწიფო კომ-  
ისიონის შურნალი გამომცემლობის



წელიწადი  
IX.

# პიონერი

წელიწადი  
IX.

გამოდის თვეში ერთხელ

ყოველმა  
პიონერმა  
უნდა  
გამოიწეროს

შურნალი

# პიონერი

შურნალ „პიონერი“-ს 1934 წლის  
ყველა ნომერი • დანიშნულია სა-  
ინტერესო მოთხრობები, ლექსები  
და პიესები • • • • •

შურ. „პიონერი“-ს რედაქცია.